

ጾውሎሴ ማድ"ም ዲኪንቴ ጳውሎሴ ቆሮንቶሴ ዓሶም ዲኬ ቤርታሳ ኪኢቶ'"'" ዓይያ ካሮ"

ጳውሎሴ ቆሮንቶሴ ዓሶም ጻኦፔ ቤርታሳ ኪኢታ" ጻኦፔንቴህ ዓይጎርዳይ ጌዔቴ ጳውሎሴ ቆሮንቶሴይዳ ዔቁሴ ሺኢጲያ ማኦሮይዳ ኪሪሰቶሴ ጉሙርቁ ናንጎ ናንጎና ኪሪሰቶሴ ጉሙርቁያና ዛሎ" ዔቁ ማታሳ ጌኤዞ ገኢጊሾንዶ ጎይህ ኮዓኒኬ። ቆሮንቶሴ ዬኖ ዎደ"ና ዓጮ" ቢያህረ ማዔ ገሪኬ ዓጪ ካታማኬ፤ ሓህ ዓካይያ ገይንታ ሮሜ ዓጮ" ዴማ" ዓኣ ዓጪሎኮዎ ዴኤፕ ካታማኬ። ዬና ካታማላ ማርጌ ኮርሞ ኮርሚንታያ፡ ዓሳ ዴማ ዴማ ጎይህ ናንጋያ ገንህ «ፑርታኬ፡ ኮሺኬ» ጎዎ ባኣዚ" ባኣያ ሃህ ዴማ ዴማ ካኣሺ ዲቢ ዓኣ ቤሲኬ።

ጳውሎሴ ባሺ ዔርዛኒ ኮዓህ ሺኢጲያ ማኦሮ ዓሶ ባኣካ" ዓኣ ፓቂንቲዎና «ፑርታኬ፡ ኮሺኬ» ጋዓ ማሊህ ባኣያ ናንጊያ ዛሎ"፤ ዬያጉዲ ሃህ ዓኒ፡ ማቾ ማዒባኣያና ላሂህ ዛላና ዔፕ ዛላ፡ ዓሶኮ ማሊያይዳ ዓኣ ጾኤጪህ፡ ሺኢጲያ ማኦሮ ዓሳ ዎርቃንዳ ዎጌ ዛላ፡ ዓያና ጌኤሺዳፓ ዒንገንታ ዴማ ዴማ ዒንገያ ዛሎ"ና ሃይቢዳፓ ዔቁህ ዛላኬ። ኮኸ ሃይሳ ዬንህ ጾኤጪያንህኮ ማሂ ኬኤዛ ማሊያ ዒዚ ኮሺ" ፔጋሲ ኬኤዛኔ።

ጾኦሲ ፔ ዴሞ"ም ዒንጌ ዒንጊያይዳፓ ቢያ ናሹሞ ባሺ ማዔህ ዔርዛ፡ ዓይ. 13 ሃኖ" ማጻኦፖይዳ ማርጌና ዔርታ ቤሲ ማዓንዳኔ ገይንታኔ።

ማጻኤሌ ዴማ ዴማ ዓርቁ ባኮ

- ዓይያ ካሮ" 1፡1-9
- ሺኢጲያ ማኦሮ ዓሶ ባኣካ" ማኸንቴ ዴሙሞ 1፡10—4፡21
- ዓኒ ሃህ ማቾ ማዒባኣያና ላሂህ ዛላና ማኦሪ ዓሲና ዛላ
- 5፡1—7፡40
- ኪሪሰቶሴ ጉሙርቃ ዓሶና ጉሙርቁዎ ዓሶና ዛላ 8፡1—11፡1
- ሺኢጲያ ማኦሮ ዓሶ ናንጎና ጾኦሲ ካኣሽኮንዶ ጎይህና
- 11፡2—14፡40
- ሓይቢፓ ዔቁህ ዛላ 15፡1-58
- ኪሪሰቶሴ ጉሙርቃ ዓሳ ዒንጋኒ ኮይሳ ማኣዳህ 16፡1-4
- ጳውሎሴ ፔ ዛላ ኬኤዜ ባኣዚ"ና ጋፒንህ ሃይሴ 16፡5-24

1 የኦሲ ማለሂና ዩሱስ ኪሪስቶስም ዳኪንቲ ማዲያ ማዲያ፤
ዔኤሊ "ንቴ ጳውሎስና ኑ ዒሻሂ ሶስቴንሴናይዲ፤

2 ዩሱስ ኪሪስቶስና ዋላ" ዔያቶኮ ዓኣ ፔቱሞና ዔያቶና
ኑኡናናኮ ጎዳ ማዔ፤ ኑ ጎዳሂ፤ ዩሱስ ኪሪስቶስ ቢያ ቤዛ ካኣሸካ
ኪሪስቶስ ጉሙርቃ ዓሶና ዋላ" የኦሲም ዲማዴ ዴሬ ማዓንዳጉዲ
ዔኤሊ "ንቴ ቆርንቶሴይዳ ዓኣ ኪሪስቶስ ጉሙርቃ ዓሶም ቢያ፤

3 ኑ ዓዳሂ፤ የኦሲም ጎዳሂ፤ ዩሱስ ኪሪስቶስናይዲ፤
ዒንገንታ ዒንገይና ኮሹሞና ዒንሂም ማየንጎ።

ጳውሎሴኮ የኦሲ ጋላቲያ

4 ዩሱስ ኪሪስቶስ ዛሎ"ና የኦሲ ፔኤኮ ኮሹሞ ዒንገይ
ዒንሂም ዒንገይሂሮ ዒንሂ ዛሎ"ሮ ቢያ ዋይ ታ ዒዛ ጋላታኔ።

5 ዓይጎሮ ጌዔቴ ጌኤሲና ሃሃ ዔራቶና ኪሪስቶስና ማዲ ዒንሂ
ሚርጌ ባኣዚ" ዔሬሂሮከ።

6 ኪሪስቶስ ዛሎ" ኑ ዒንሂም ማርካዴ ማርካታ" ዒንሂኮ ዒና"
ዶዲ ዓኣኔ።

7 ዩያሮ ኑ ጎዳሂ፤ ዩሱስ ኪሪስቶሴኮ ሙኪያ ካፒ ካፒ ዒንሂ
ናንጌቴ ዓይጎጉዴ ዓያና ዒንገሂ ማዔቴያ ዒንሂም ፓጫዓከ፤

8 ኑ ጎዳሂ፤ ዩሱስ ኪሪስቶስ ማዲ ሙካ ኬሎ"ና ዶንኪሳ
ባኣዚ" ባኣያ ማዲ ዒንሂ ጴዳንዳጉዲ ዒዚ ዒንሂ ጋፒንያ
ሄላ"ንዳኣና ዶዲ ናንጋንዳጉዲ ማሃንዳኔ።

9 ፔኤኮ ናዓሂ፤ ኑ ጎዳ፤ ዩሱስ ኪሪስቶስና ዋላ" ፔቱሞ ዒንሂኮ
ዓኣያ ማዓንዳጉዲ ዒንሂ ዔኤሊ" የኦሲም ጉሙርቁንቴያከ።

ቆርንቶስ ሺኢጲያ ማኣሮ ዓሶ ባኣካ" ማከንቴ ዲማዲያ

10 ታ ዒሻሂ፤ ታ ሚሾንሃ! «ዒንሂ ባኣካ" ዲማዲሂ ጴዳ፤
ቢያሂ ዋላ" ገኢጊ፤ ፔቴ" ማለሂና ፔቴ" ዒናና ዓኣያ ማዲ ዶዲ
ናንጉዋቴ» ጌይ ኑ ጎዳሂ፤ ዩሱስ ኪሪስቶስ ሱንያና ታ ዒንሂ
ሺኢቃኔ።

11 ታ ዒሻሂ፤ ታ ሚሾንሃ! ዒንሂ ባኣካ" ማርሞና ፓቁንቲሂና
ዓኣሂ ቁሎዔ ማኣሮ ዓሶይዲ፤ ታ ዋይዜኔ።

12 ታ ዋይዜ ጎይያ ዒንሂ ፔቴ" ፔቴ"ሂ፡- «ታኣኒ ጳውሎሴ
ዓሲከ፤ ታኣኒ ዓጲሎሴ ዓሲከ፤ ታኣኒ ኬፓ * ዓሲከ» ጋዓዛ፤
ዛላ"- «ታኣኒ ኪሪስቶስ ዓሲከ» ጋዓኔ፤ ጋዓያከ።

13 ሂዳያ ኪሪስቶስ ፓቁንቴኔ ጌይሂዳ? ጳውሎሴ ዒንሂ ዛሎ"
ሱጻንቲ ሃይቁያ? ሃሃ ዒንሂ ዋኣያና ማሰቴሂ ጳውሎሴ ሱንያናዳ?

* **1:12 ኬፓ**- ጌይያ ገሪኬ ዓሶ ሙኤጮና «ጳዲሮሴ» ጌይሂከ። **1:12** ዳኪ.
ማዲ" 18፡24።

14 ታኣኒ ቄሪሰጳሴና ጋይዮሴናይዳፓ ዓታዛ ዒንሢዳፓ ያናኣ
ዋኣሢና ማሰኪባኣሢሮ ያኦሲ ታ ጋላታኔ።

15 ዬያሮ «ጳውሎስ ሱንጃና ታ ዋኣፆ ማሰቱኔ» ጌዒ
ኬኤዛንዳይ ዒንሢዳፓ ባኣሴ።

16 ጎኔኬ፤ ዒሰዲፓኖሴ ማኣሮ ዓሶ ታ ማሰኬኔ፤ ያቶይዳፓ ዓታዛ
ሜሌ" ዓሲ ታ ማሰኬያ ዓኣሢ ታኣም ዔርቱዋሴ።

17 ኪሪሰቶሴ ታና ዳከሢ' ዒዛኮ ኮዦ ሃይሶ ቃኣሎ"
ኬኤዛንዳጉዲኬ፤ ዋኣሢና ታ ማሰካንዳጉዲቱዋሴ፤ ኪሪሰቶሴኮ
ፑርቶ ዓሶ ሱፆ ሚፆ ሱዲንቲ ሃይቁፆ ጉሪ ማዒ ዓቱዋጉዲ ዒዛኮ
ኮዦ ሃይሶ ቃኣሎ" ታ ኬኤዛሢ ዓሲዳፓ ማዔ፥ ጌኤሲ
ዔራቶናቱዋሴ።

ኪሪሰቶሴኮ ያኦሲ ዋልቆና ዔራቶና ማዒፆ

18 «ኪሪሰቶሴ ፑርቶ ዓሶ ሱፆ ሚፆ ዑፆ ሱዲንቲ ሃይቁኔ» ጋዓ
ቃኣላ" ባይቃኒ ጊኢጌ ዓሶም ዔኤያቶ ማዒ ዛጊንታኔ፤ ኑና ዳቃ
ዓሶም ጋዓንቲ ያኦሲ ዋልቁኬ።

19 ዓይጎሮ ጌዔቲ፡-

«ዔሮ" ዓሶኮ ዔራቶ" ታ ባይዛንዳኔ፤

ዑሣ ዓኣጳ ዔሮ"ኮ ዔራቶ" ታ ጉሪ ማሃንዳኔ» ጌይንቲ
ፆኣፒንቲሢሮኬ።

20 ዓካሪ ዔራ"ሢ ዋካ ዓኣይ? ዑሣ ዓኣጳ ዔራሢያ ዋካዳይ?
ሃሣ ቢያ ባኮ ዛጊ፥ ዲማሲ ዔራሢያ ዋካ ዓኣይ? ያኦሲ ሃያ ዓጮ"
ዔራቶ" ዔኤያቶ ማሂባኣዓዳ?

21 ሃያ ዓጮ" ዓሳ ፔ ዔራቶና ያኦሲ ዔራኒ ዳንዳዑዋጉዲ፥
ያኦሲ ፔ ዔራቶና ዔያታ ዔራዋጉዲ ማሄኔ፤ ጋዓንቲ ዓጮ" ሃያም
ዔኤያቶ ማዒ ፓይዲንቲ፥ ኑ ኬኤዛ ኮዦ ሃይሶ ኪኢታ"
ጉሙርቃዘንሢ ዳቁሻንዳጉዲ ያኦሲ ማሊሢ ማዔኔ።

22 ዒንሢ ዔራሢጉዲ ዓይሁዶ ዓሳ ያኦሲ ዋልቁና ማዲንታ ዓኪ
ባኣዚ" ዛጋኒ ኮዓኔ፤ ሃሣ ዓይሁዶ ማዒባኣ ጊሪኮ ዓሳ ዔራቶ
ዔራኒ ኮዓኔ።

23 ኑኡኒ ጋዓንቲ ሱዲንቲ ሃይቁ ኪሪሰቶሴ ዛሎ" ኬኤዛኔ፤ ዬይ
ኑኡኒ ኬኤዛ ሃይሳ፡- ዓይሁዶ ዓሶም ዔርቶ ዒዲ ዳቢሻና ዓይሁዶ
ማዒባኣ ጊሪኬ ዓሶም ዔኤያቶኬ።

24 ያኦሲ ዔኤሎ"፥ ዓይሁዶ ማዔቲያ ዓይሁዶ ማዒባኣ ጊሪኬ
ዓሶም ጋዓንቲ ኪሪሰቶሴ ያኦሲኮ ዋልቁና ዔራቶናኬ።

1:14 ዳኪ. ማዶ" 18፥8፤ 19፥29፤ ሮሜ 16፥23። 1:16 1ቆሮ. 16፥15። 1:19
ዒሲ. 29፥14። 1:20 ዒዮ. 12፥17፤ ዒሲ. 19፥12፤ 33፥18፤ 44፥25።

25 ወይቲ ጌዔቲ ያኦሲ ዔዔኤዬኔ ጎዖዛ፣ ዩይ ዓሲ ዔራቶይዳፓ ባሽኬ፤ ሃሃ ያኦሲ ላላቤኔ ጎዖዛ፣ ዓሲ ወልቄይዳፓ ባሽ ማዓሢሮኬ።

26 ታ ዒሾንሃ ታ ሚሾንሃ! ያኦሲ ዒንሢ ዔኤላ" ወደ"ና ዒንሢ ወዘጉዳ ዓሲታቲ ሂንዳ ማሉዋቲ፤ ዓሲ ማላ ጎይሢና ዒንሢ ባኣካ" ሚርጌሢ ዔራ ዓሲ፣ ወልቄና ዓኣ ዓሲ ሃሃ ዴኤፒ ዴኤፒ ጌይንታ ዓሲ ባኣሴ።

27 ጋዓንቲ ያኦሲ ዔሮ" ዓሶ ቦርሲሳኒ ዓጮ"ይዳ ዔኤያኬ ጎዖ ዓሶ ደኦሬኔ፤ ሃሃ ወልቄና ዓኣ ዓሶ ቦርሲሳኒ ዓጮ"ይዳ ላቤ"ያ ማዓ ፓይዲንታዘንሢ ደኦሬኔ።

28 ዓጮ" ዓሶም ቦንቹንቲያ ማዒ ጴዳ ባኮ ባይዘኒ ዓጮ"ይዳ ቦሃንቲያ፣ ጉሪ ማዔያ ሃሃ ቤሲ ባኣ ባኮ ደኦሬኔ።

29 ዩያ ያኦሲ ማዴሢ" ዓይጎ ዓሲያ ዒዛ ቤርታ ያቶርቁዋጉዲኬ፤

30 ዒንሢ ጋዓንቲ ያኦሲ ዩሱሰ ኪሪሰቶሴና ወላ" ፔቱሞ ዓኣያ ማዓንዳጉዲ ማሄኔ። ዩያሮ ኑኡኮ ዔራታ"፣ ዪሉ"ማ፣ ኑኡኮ ያኦሲም ዲማዴያ ማዒያ፤ ሃሃ ኑና ዳቁሻያ ማዓሢያ ዩሱሰ ኪሪሰቶሴ ማዓንዳጉዲ ያኦሲ ማሄኔ።

31 ዓካሪ ጌኤኸ" ማፃኣፓ ጋዓሢጉዲ፡- «ያቶርቃሢ ያኦሲና ያቶርቆንጎ» ጌዔኔ።

2

ኪሪሰቶሴኮ ሱዲንቶ ዛሎ"

1 ታ ዒሾንሃ! ታ ሚሾንሃ! ታኣኒ ዒንሢ ኮይላ" ሙኬያና ያኦሲኮ ዓኣሽንቲ ማሊያ * ታ ዒንሢ ዔርዘኔ፤ ታኣኒ ሓይሴ ዔሪ ጌሰታያ ማዔሢና ታኣኮ ዓኣ ዔራቶና ዒንሢም ዳዋኒ ታ ኮዒባኣሴ።

2 ዓይጎሮ ጌዔቲ ዒንሢና ታ ዓኣ ወደ"ማና ዩሱሰ ኪሪሰቶሴ ዛሎ"ና ሃሃ ዒዛኮ ሱዲንቲ ሃይቦ" ዛሎ"ይዳፓ ዓታዛ ሜሌ" ዓይጎዋ ዔራዋያ ማዓኒ ታ ማሌሢሮኬ።

3 ዩያሮ ዒንሢ ኮራ ታ ዓኣ ወደ"ና ላቤ" ዓሲ ማዒ፣ ዒጊቹሞና ሚርጌ ጎጋይቁሢያይዳ ታ ዓኣያ ማዔኔ።

4 ታኣኒ ኬኤዜሢታቲያ ዔርዘ ቃኣላ" ያኦሲ ዓያናና ማኣዲ"ንቲ ማዓንዳኣፓዓቲም ዓሲ ዔራቶና ዑሣ ዓኣዴ ዔራቶና ሃሃ ሃይሴ ኮሺ"ሢናቲዋሴ።

5 ዩያ ታኣኒ ማዴሢ ዒንሢኮ ያኦሲ ጉሙርቁፃ ዓሲ ዔራቶና ማዒባኣዎ፣ ያኦሲ ወልቄና ማዔያ ማዓንዳጉዲኬ።

1:31 ዔር. 9፡24። * 2:1 ያኦሲኮ ዓኣሽንቲ ማሊያ፡- ጋዓዛ ፔቲ" ፔቲ" ማፃኣፓ «ያኦሲ ዛሎ" ማርካዲ» ጋዔኔ።

ጾኑሲ ዔራቶ

6 ጋዓንቴ ዓያኖ ናንጎና ዶዴ ዓሶም ዔራቶና ኑ ከኤዛኔ፤ ኑኡኒ ከኤዛ ዔራታ"- ሃያ ዓጮ" ዔራቶ ሃሣ ጋፒንፃ ባይሲንታ ማዔ፥ ሃያ ዓጮ" ዎይሣ ዓሶ ዔራቶናቱዋሴ።

7 ኑኡኒ ከኤዛ ዔራታ" ጋዓንቴ ጾኑሲ ቤርታዲ ሚርጌ ዎዴኮ ቤርታኣፓ ኑ ቦንቾም ጌሩ ጊኢጊሼ፥ ጾኑሲኮ ዓኣሺንቲ ዓኣ ዔራቶኬ።

8 ሐያ ዓጮ" ዎይሣ ዓሶ ባኣካ"ፓ ዬያ ዔራቶ ዔሬይ ጾኢኒያ ባኣሴ፤ ዎንዴ ዔያታ ዬያ ዔሬያ ማዔቴ ቦንቹንቴ፥ ጎዳሢ ሱዲ ዔያታ ዎዲንዳዋያታንቴኬ።

9 ዬይ ያዲ ማዔቴያ ጌኤዡ ማፃኣፓ፡-

«ዓሲኮ ዓኣፒ ዴንቂባኣያ
ዎይዚ ዎይዚባኣያ
ሃሣ ዒናኣ ማለባኣያ

ጾኑሲ ዒዛ ናሽካዞንሢም ጊኢጊሼኔ» ጋዓኔ።

10 ኑም ጋዓንቴ ጾኑሲ ፔኤኮ ዓያኖ ዛሎ"ና ዓኣሺንቴ ማሊያ ፔጋሲ ዔርዜኔ። ዓይጎር ጌዔቴ ጾኑሲኮ ዓያኖ" ዔርቱዎያ ማዔ፥ ጾኑሲ ማሊያታዎ ዓይሱዎዎ ቢያ ባኣዚ" ዴንቂ ዔራሢሮኬ።

11 ፔቴ" ዓሲ ዛላ ማዔቴ ፔቴ" ዒዛ ዓሢ ዓያናፓ ዓታዛ ሜሌ" ዒዛይዳ ዓኣ ዒዛኮ ማሊያ ዔራንዳይ ጾኢኒያ ባኣሴ፤ ዬያጉዲ ጾኑሲ ዓያናፓ ዓታዛ ጾኑሲ ማሊያ ዔራይ ባኣሴ።

12 ኑኡኒ ሃያ ዓጮ" ዓያኖ ዔኪባኣሴ፤ ኑኡኒ ዔኬሢ" ጾኑሲ ኑም ዒንጌ ባኮ ቢያ ኑና ዔርዛ ጾኑሲ ዓያኖኬ።

13 ዬያሮ ኑኡኒ ዓያኖ ዛሎ" ባኮ ዓያኖና ዓኣ ዓሶም ዔርዛሢ ዓሲዳፓ ጴዴ ዔራቶናቱዋንቴ ጾኑሲ ዓያኖይዳፓ ጴዴ ዔራቶናኬ።

14 ጾኑሲ ዓያናባኣ ዓሲ ጾኑሲ ዓያና ዒንጋ ዒንጊያ ዔካኒ ዳንዳዑዋሴ፤ ዓይጎር ጌዔቴ ዬይ ዓያኖና ዛጊንቲ ዔርታ ባኣዚ" ማዔሢሮ ዒዛም ዔርታኒ ዳንዳዑዋሴ፤ ጉቤ ዬይ ዒዛም ዔኤያቶ ማሊ ጴዳንዳኔ።

15 ጾኑሲ ዓያኖና ዓኣ ዓሲ ቢያ ባኣዚ" ዛጊ ዔራኒ ዳንዳዓኔ፤ ዒዛ ጋዓንቴ ጾኢኒያ ዛጊ ዔራኒ ዳንዳዑዋሴ።

16 ዬይያ፡-

«ጾኑሲ ዒና ጾኢኒ ዔራይ?
ዒዛ ዞራኒ ዳንዳዓሢያ ያናዳይ?»
ጌይንቲ ፃኣፒንቴሢጉዲኬ።
ኑኡኮ ጋዓንቴ ኪሪሰቶሴ ዒና ዓኣኔ።

3

ቆርንቶስ ሺኢጲያ ማእሮ ዓላ ባአካ" ማከንቲ ዲሙሞ

1 ታ ዲሸንሦ ታ ሚሸንሦ! ጎኔ ከኤዘያታቲ ታኣኒ ዲንሢ ሌርዜሢ ሃጊ ዲንሢ ኪሪሰቶሴ ጉሙርቁያና ደዲባአ፥ ናይ ማዔያ ሃሃ ሃያ ዓጮ" ማሊያና ዓአ ዓሲ ማሃ ማዓንዳኣፓባቲሞ ደዲ ዓያናና ዓአ ዓሲ ማሃ ታ ዲንሢ ሌርዘኒ ዳንደባአሴ።

2 ደዲ ሙኡዚ" ሙዓኒ ዳንደባቲሞ ዲዲ ሙኡዚ" ታ ዲንሢ ዑሹሢ ደኣቂ ማዓንዳኣፓባቲሞ ደዲ ሙኡዚ" ታ ዲንሢ ሙኡዚ" ባአሴ፤ ሃሃታቲያ ዲዲ ሙኡዚ" ሃጊ ሙዓኒ ዳንደባቲሞ።

3 ዎይቲ ጌዔቲ ሃሃያ ዲንሢ ሃያ ዓጮ" ዓላ ማሊያና ዓአያከ፤ ዎሊ ዲንሢ ቁኢራያና ማርማያናታሢሮ ሃያ ዓጮ" ዓላ ማሊያና ዓአኔ ጌይሢቲዎዓዳ? ያኦሲ ዓሲ ማዒያ ዲንሢኮ ባቲሞ ሃያ ዓጮ" ዓላ ዲንሢ ማዒባአዓዳ?

4 ዲንሢዳፓ ፔቲ"ሢ፡- «ታ ጳውሎሴ ዓሲኬ» ጋዓዛ፥ ባጋሢ ሃሃ፡- «ታኣኒ ዓጲሎሴ ዓሲኬ» ጌይያና ዲንሢ ያኦሲ ዓሲ ማዒያ ሃሸ" ሃያ ዓጮ" ዓሲ ማዒባአዓዳ?

5 ዓካሪ ዓጲሎሴንታ ጳውሎሴንታ ዓይጎደይ? ዔያታ ዲንሢ ኪሪሰቶሴ ጉሙርቁንዳጉዲ ማሄ ያኦሲሞ ማዳ ዓላከ፤ ዔያታ ፔቲ" ፔቲ"ሢ ማዳሢ ጎዳ ዔያቶ ማዳንዳጉዲ ዓይሢ ጎይያከ፤

6 ዜርያ ታ ደኡቁኔ፤ ዓጲሎሴ ዎአያ ዑሹ"ኔ፤ ባቃልሲ ዑጊሴሢ ጋዓንቲ ያኦሲኬ።

7 ዬያሮ ዳኤፖ ማዳ" ማዳሢ ባቃሎ" ዑጊሴ፥ ያኦዛሢ ማዓንዳኣፓባቲሞ ደኡቁሢንታ ዎአያ ዑሹ"ሢንታቲዎሴ።

8 ዜርያ ደኡቁሢና ዎአያ ዑሹ"ሢና ሄኮኬ፤ ዬያታ ፔቲ" ፔቲ"ሢ ፔኤኮ ማዳ"ጉዴያ ማዳ ዛሎ" ዲንጎ ባኮ ዔካንዳኔ።

9 ዓይጎሮ ጌዔቲ ኦኡኒ ያኦሲሞ ዎላ" ማዳዘንሢኬ፤ ዲንሢ ጋዓንቲ ያኦሲኮ ጎከና ማእሮና ማዓያኬ።

10 ያኦሲ ታኣሞ ዲንጌ ኮሹሞ ዲንጊያጉዴያ ኮሺ" ዔራ፥ ማእሪ ማዛ፥ ሃአሚጉዲ ቦኦኮሎ ታ ቦኦኮልቁኔ፤ ባጋሢ ታኣኒ ቦኦኮልቁሢዳ ማእሮ ማዛኔ፤ ጋዓንቲ ፔቲ" ፔቲ"ሢ ዎሚደዲ ዔሪ ማዛንዳቲያ ኮሺ" ዔራኒ ኮይሳኔ።

11 ዓይጎሮ ጌዔቲ ፔቲ"ና ቦኦኮልቁንቲማፓ ዓታዛ ያኦኒያ ሜሌ" ጊዳ" ቦኦኮልቁኒ ዳንደባቲሞ፤ ዬይ ቦኦኮላሢ ዬሱሰ ኪሪሰቶሴታሢሮ።

3:2 ዔ.ብ. 5፥12-13። 3:4 1ቆር. 1፥12። 3:6 ዳኪ. ማዳ" 18፥4-11።

12 ዬያ ቦኦኩላሢ ዋርቄና ማዕቲያ ቢራ ዓንገና ሃሣ ኮሺ" ሚዛጲ ሹቸናኦ ማዕም ሚሢና ሃሣ ማኦቲና ማዕቲያ ሃውሊ"ና ማዕቲያ ዓኦቶ:-

13 ፔቴ" ፔቴ"ሢ ዓይጎና ማዕቲያ ዔርታንዳ ዋጌ ኬሊ" ሙካንዳኔ፤ ዬና ኬላ" ፔቴ" ፔቴ" ዓሳ ማኦር ማዕቲያ ዓይጎናታቴያ ታሚዳ ዓገንቲ ዛገንታንዳሢሮ ዲማዲ ዔርታንዳኔ።

14 ማኦር ማዕቲያ ዓሢኮ ማዲ" ታሞና ሙይንቲዋዎ ዶዲ ዓቴቴ ዬይ ዓሢ ፔ ማዲ" ዛሎ" ዒንጎ ባኮ ዔካንዳኔ።

15 ማዲ" ታሚና ሙይንቲ ባይቄ ዓሢ ጋዓንቲ ማዲ ዛሎ" ዒንጎንዳ ባኮይዳፓ ዓታንዳኔ፤ ዬይ ያዲ ማዕቲያ ዓሢ ታማ" ጋውሎንቲ ዓቴያጉዲ ማዲ ዲቃንዳኔ።

16 ዒንሢ ዒንሢ ቶኦኪና ያኦሲኮ ጌኤሺ ማኦሪ ሃሣ ያኦሲኮ ዓያና ዒንሢዳና ናንጋያታሢ ዒንሢ ዔሩዋዓዳ?

17 ዓካሪ ዓሲ ያኦሲኮ ጌኤዠ ማኦር ሻሂቴ ያኦሲ ዒዛ ዓሢ ባይዛንዳኔ፤ ዓይጎር ጌዔቴ ያኦሲኮ ጌኤዠ ማኦር ዒዛም ዲማዲያታሢሮኬ፤ ዬይ ጌኤዠ፣ ዲማዲ ማኦር ዒንሢኬ።

18 ያኦኢያ ፔና ጌሾፓ፤ ሃያ ዓጮ" ዔራቶ ጎይያና ዔራ ማሂ ፔና ዛጋ ዓሲ ዓኦቶ ያኦሲኮ ጎኔ ዔራቶ ዲንቃኒ ፔና ዔኤያ ማሂ ዛጎንጎ።

19 ዓይጎር ጌዔቴ ሃያ ዓጮ" ዔራታ" ያኦሲ ቤርታ ዔኤያቶታሢሮኬ፤ ዬይያ:-

«ያኦሲ <ዔሮኬ» ጋዓ ዓሶ ዔያቶኮ ጌሮ" ማሊያና ዔያቶ ዓርቃኔ» ጌይንቲሢጉዲኬ።

20 ዬያጉዲ ሃሣ:- «ያኦሲ ሃያ ዓጮ" ዔሮ" ዓሶኮ ማሊያ ጉሪ ባኦዚ" ማዕሢ ዔራኔ» ጌይንቲ ያኦፒንቲኔ።

21 ዬያሮ ቢያ ባካ ዒንሢሮ ማዕሢሮ ዓይጎ ዓሲያ ፔ ማዲ ባኦዚ"ና ሄርሺንቶፓ።

22 ጳውሎሴ፣ ዓጲሎሴ፣ ጳጲሮሴ፣ ሃይ ዓጮ"፣ ናንጋ፣ ሃይባ"፣ ሃሢ ዓኦ ባኮ ማዕቲያ ሃጊ ሙካንዳ ባካ ቢያ ዒንሢሮኬ።

23 ዒንሢ ጋዓንቲ ኪሪሰቶሴሮኬ፤ ኪሪሰቶሴ ሃሣ ያኦሲሮኬ።

4

ኪሪሰቶሴም ማዲ ዓሶ

1 ዓካሪ ዓሲ ቢያ ኑና፡ ኪሪሰቶሴም ማዳ ዓሲ ሃሣ ያኑሲኮ ዓኣሺንቴ ማሊያ ፔጋሳንዳጉዲ፣ ጉሙርቂ ዒንጎና ዓሲኬ ጋዓንዳያ ኮይሳኔ።

2 ጉሙርቂ ዒንጎና ዓሳ' ጉሙርቂንታያ ማዓኒ ኮይሳኔ።

3 ታና ዒንሢታቲያ ሃሣ ማሌ" ዓሳ «ዒ ዳቤኔ» ጌዒ ዋጋያ ማዔቲያ ሜታ ባኣሴ፣ ናንጎንጎ፤ ታኣኒታያ «ታ ዳቤኔ» ጌዒ ታ ጊዳ" ዋጋኒ ዳንዳዑቀሴ።

4 ታ ዔራ ጎይያናታቲ ታ ዒና" ታና «ዳቤኔ» ጎዑቀሴ፤ ዩይ፡- ታኣኮ ዳቢንቴ ባኣያ ማዒያ ዔርዙቀሴ፤ ጋዓንቴ ታ ጊዳ" «ኔ ዳቤኔ» ጌይ ዋጋንዳሢ ጎዳ ዩሱሴ ሌሊኬ።

5 ዩያሮ ጎዳ ዩሱሴ ጋፒንያ ዋጎሮ ሙካንዳሢኮ ቤርታ ያጊዳ ማዔቲያ ኮይሱቀ ጎይሢና ዋጊፖቲ፤ ዒዚ ሙኬ ዋዶ"ና ዲሞይዳ ዓኣሺንቴ ባኮ ፔጋሳንዳኔ፤ ሃሣ ዓሳ ፔ ዒና" ዓኣቺ ዓርቂ ማሊያ ፔጋሲ ዒማና ዳቀንዳኔ። ዒማ"ና ፔቲ" ፔቲ"ሢ ያኑሲዳፓ ኮይሳ ጎይያና ጋላታ ዴንቃንዳኔ።

6 ታ ዒሾንሦ! ታ ሚሾንሦ! ዒንሢ ማኣዳ"ኒ ጌዒ ታኣና ዓጲሎሴና ዩያ ዛሎ"ኮ ኮኣኪንሢ ማሢ ታ ዒንሢም ኬኤኬኔ፤ ዩያ ታ ማዳሢ፡- «ፃኣፒንቴ ዋጎኮ ዑሣ ዓኣዲፖ» ጋዓ ዘሮ" ኑ ዛሎ"ና ዒንሢ ዔራንዳጉዲ ጌይኬ። ዩያሮ ፔቲ"ያ ባጋሢዳፓ ባሼ ማሢ ዛጊ፣ ዒዛና ሄርሺንቴፖቲ።

7 ኔና ሃንጎ ዓሶይዳፓ ባሼ ማሢሢ ያናዳይ? ቢያ ባኮ ኔ ዔኬሢሢ ያኑሲዳፓኬ፤ ኔኤሮ ማዔ፣ ዓይጎ ባኣዚ"ያ ባኣሴ፤ ሂዳያ ቢያ ባኮ ኔ ዔኬሢሢ ያኑሲዳፓ ማዔቲ ዔኪባኣያ ማዒ ዓይጋ ኔ ሄርሺንታይ?

8 ሐሢ ሃይሾ ዒንሢም ኮይሳ ባኮ ቢያ ዒንሢ ዴንቄኔ! ሃሣ ዒንሢ ያርጎጩኔ! ኑ ጊዳ"ፓ ዴማዲያ ዒንሢ ካኣታዴኔ! ጎኔ ዒንሢ ካኣታዴያ ማዔቲያ ኑኡኒ ዒንሢና ዋላ" ካኣታዳንዳያታሢሮ ካኣቲማ ዒንሢኮ ኮሺ ማዓንዳንቴኬ።

9 ዋይቲ ጌዔቲ ያኑሲ ኑና፣ ዒዛ ማዶ"ም ዳኪንቴዘንሢ ሃይቃንዳጉዲ ዋጊንቴ ዋዶ ቤዘ ዔኪ ዓኣዶ ዓሶ ባኣኮ"ይዳፓ ጋፒንሢ ዓሲ ማሄያ ታኣም ማላኔ፤ ዩያይዳፓ ዔቁያና ዓጮ" ቢያይዳ ያኑሲ ኪኢታንቸንታ ዓሶንታ ቤርቶይዳ ዓማሊ" ባኣዚ" ሃሣ ሚኢቸም ማዓ ባኣዚ" ማዒ ኑ ጴዳኔ።

10 ኑኡኒ ኪሪሰቶሴሮ ጌዒ ዔኤያ ማዔኔ፤ ዒንሢ ጋዓንቴ ኪሪሰቶሴና ማዒያና ዔራ ዓሲ ማዔኔ፤ ዩያጉዲ ዒንሢ ደዲ ዓሲ ማዔኔ፤ ኑኡኒ ላቤ" ዓሲ ማዔኔ፤ ሃሣ ዒንሢ ቦንቸንቴ ዓሲ ማዔኔ፤ ኑኡኒ ጋዓንቴ ቦሂንቴ ዓሲ ማዔኔ።

- 11 ሃሢያ ሃይማ ሄላ"ንዳኣና ኑ ናይዲንታኔ፥ ዳኤቢንታኔ፥ ካላ"ዳኔ፥ ጳርቁንታኔ፤ ሃሃ ማእሪ ባይዚ ኑ ማታዳኔ።
- 12 ሃሃ ኑ ኩቻ ኑ ማዲ ማዲ ላቢ"ንታኔ፤ ዓሳ ኑና ጫሽካኣና ኑ ዓንጃኔ፤ ኑና ዒዒ ዳውሶዋና ኑ ጊቢ" ዳንዳዓኔ፤
- 13 ኑና ጫሽኪ፥ ሱንጾዋ ኑኡኮ ፑርቲሳኣና ኮሺ ዑኡሲ ኑ ዔያቶም ማሃኔ፤ ሃሃ ሄላ"ንዳኣና ሃያ ዓጮ"ኮ ከኤሪንቴያ ሃሃ ፒያ"ና ቡኡራጉዲ ኑ ማዒ ዓኣኔ።
- 14 ሓያ ታ ዒንሢም ፃኣፓሢ ታኣኮ ናሽኪንቴ ናኣቶ" ማሂ ዒንሢ ዘራኒ ማዓንዳኣፓዓቲም ዒንሢኮ ዒኔ ዲኡዛኒቱዋሴ።
- 15 ዋዚ ዒንሢኮ ማርጌ ሺያና ፓይዲንታ ዲቻ ዓሲ ኪሪሰቶሴ ዛሎ"ና ዓኣቲያ ማርጌ ዓደንሢ ዒንሢኮ ባኣሴ፤ ኮኸ ሃይሶ ከኤዚያና ዩሱሰ ኪሪሰቶሴ ዛሎ"ና ዒንሢ ሾዔሢ ታና ሌሊኬ።
- 16 ዬያር ታ ሃንቴ ጎይያ ዒንሢ ሃንታንዳጉዲ ታ ዒንሢ ሸኢቃኔ፤
- 17 ጎዳ ሱንጾና ታኣኮ ናሽኪንታሢና ጉሙርቁንታ ናዓሢ ማዔ፥ ፃሞቲዋሴ ታ ዒንሢም ዳኬሢ ዬያርኬ፤ ታኣኒ ቢያ ቤዘይዳ ሸኢጲያ ማእሪ ዔርዜ ጎይያ ሃሃ ኪሪሰቶሴና ታ ዳንቁ ዓኮ ናንጎ ታ ናንጌ ጎይያ ዒዚ ዒንሢ ዔርዛንዳኔ።
- 18 ጋሳንቴ ዒንሢ ባኣካ"ፓ ፔቴ" ፔቴ"ዘንሢ ታ ዒንሢ ኮይላ" ሙኪንዲዋያ ዔያቶም ማሌም ማርጌና ያቶርቃኔ፤
- 19 ያዲ ማዔቲያ ያኦሲ ጌዔቲ ዑኬ ከሊ"ዳ ታ ዒንሢ ኮይላ" ሙኪ ዬኖ ያቶርቃ ዓሶኮ ጌኤዘ ሌሊቱዋንቴ ዋልቆዋ ዔያቶኮ ታ ዔራኒ ኮዓኔ።
- 20 ዓይጎር ጌዔቲ ያኦሲ ካኣቲማ ማዒባኣ ጉሪ ሃይሴቲዋንቴ ያኦሲ ዋልቁታሢርኬ።
- 21 ዒንሢ ኮዓ ባካ ዓይጎዳይ? ዒንሢ ጳርቆንዳ ኮኦሎ" ታ ዔኪ ሙካንዳጉዲ ዒንሢ ኮዓም? ናሹሞና ሹሌዑም ዓያናና ማዒ ታ ዒንሢ ኮይላ" ሙካንዳጉዲ ዒንሢ ኮዓይ?

5

ኪሪሰቶሴ ጉሙርቃ ዓሶ ባኣካ" ማዲንቴ ቦርሲሳ ማዶ

1 ዒንሢ ባኣኮ"ይዳ ማቸ ሃሃ ዓኒ ማዒባኣና ላሃንታ፥ ቦርሲሳ ሃይሴ ዋይዚንታኔ፤ ዬያጉዳ ማዶ ማሌ" ዴር" ባኣካ"ታዎ ማዲንቴዋያኬ፤ ዬይያ፡- ዒንሢ ባኣካ" ፔኤኮ ዒንድ ሌጎ ዔኬ ዓሲ ዓኣኔ ጌይንታኔ።

4:12 ዳኪ. ማዶ" 18፥3። 4:16 1ቆር. 11፥1፤ ፒልጲ. 3፥17። 5:1 ላሚ. ዋማ 22፥30።

2 ዓካሪ ይያጉዳ ቦርሲሳ ማዶ ዲንሢ ባኣካ" ዓኣንቴ ዓይጎር ዲንሢ ያቶርቃይ? ይያይዳገ ይያ ባኮ ዛሎ"ሮ ያዩ፥ ይያ ማዶ" ማዶሢ ዲንሢ ባኣካ"ገ ሺኢሻንዳያ ኮይሳያታንቴኬ።

3 ዋዚ ታ ዲንሢና ዋላ"ቱዋቴያ ዓያኖና ታ ዲንሢና ዋላ"ኬ፤ ሃሢ ታ ዓዳ" ዲንሢና ዋላ" ዓኣያ ማዶ፥ ይያጉዳ ዲኢቴ ማዶ ማዶ ዓሢ ዑፃ ጎዳ ዬሱስ ኪሪስቶስ ሱንፆና «ዲ ዳቤቴ» ጌይ ታ ዋጌ።

4 ዲንሢ ቡኪንታ ዋዶ"ና ታኣኒያ ዓያኖና ዲንሢና ዋላ"ታሢሮ፥ ኑ ጎዳሢ፥ ዬሱስ ሱንፆና ሃሃ ዲንሢ ባኣኮ"ይዳ ዓኣ፥ ጎዳ ዬሱስ ዋልቆና።

5 ጎሜ ማዳ፥ ይያ ዓሢኮ ዑፃ ዓሸካ ባይቃንዳጉዲ ዲንሢ ባኣካ"ገ ዱማሲ፥ ፃላሄም ዲዛ ዓኣሢ ዲንጋንዳያ ኮይሳኒ፤ ይያ ዲንሢ ማዳንዳሢ" ጎዳ ጋፒንፆ ዋጎሮ ሙካኣና ይያ ዓሢኮ ሸምገሢ ዳቃንዳጉዲኬ።

6 ዓካሪ ዲንሢ ሄርሺንቴ ያቶርቃሢ ጉሪኬ፤ ሙኑቃ ፃኣዛ ዲቡ" ሙኑቆ ቢያ ካፂሳሢ ዲንሢ ዔራዋይ?

7 ፃኣዛ ባኣ ሙኑቆ ዲንሢ ማዳንዳጉዲ ሙኑቆ ፃኣዛ ዲንሢዳገ ባይዙዋቴ፤ ዲንሢዳ ዬይ ባኣሢያ ታ ዔራኔ፤ ዑሣ ዓኣዲፆ ኬሎ" ማራዓሢ ማዶ፥ ኪሪስቶስ ኑ ጋይቴ ሹኪንቴ ሃይቄኔ፤

8 ዬያሮ ፑርቱሞና ጌይ ማዶና ኩሜ፥ ሙኑቆ ፃኣዛናቱዋንቴ ሙኑቆ ፃኣዛባኣ ላኣዶ ሙዲ ኑኡኮ ቦንቾ ኬሎ" ፒዙሞና ሃሃ ጎኑሞና ኑ ቦንቾም።

9 ሓያኮ ቤርታ ታ ዲንሢም ፃኣፔ ኪኢቶ"ይዳ፡- «ማቾ ሃሃ ዓኒ ማዲባኣያና ላሃ ዓሶና ዋላ" ፔቴ" ማዲፖቴ» ታ ዲንሢም ጌዔ።

10 ዬያ ታ ጋዓዛ ሃያ ዓጮ"ይዳ ዓኣ ማቾ ሃሃ ዓኒ ማዲባኣ ዓሶና ላሃ ዓሶና ማኢሸሮ ጎጋይቃ ዓሶና ይያጉዲ ዉዛና ጎይ ፆኦሲ ማዲባኣ ባኮ ካኣሸካ ዓሶና ዋላ" ፔቴ" ማዲፖቴ ጌይሢቱዋሴ፤ ያዲ ማዔያታቴ ሃያ ዓጮ"ይዳገ ኬሰካንዳያ ዲንሢም ኮይሳኔ ጌይሢኬ።

11 ታኣኒ ጋዓንቴ ዲንሢም ፃኣፔሢ፡- «ኪሪስቶስ ጉሙርቃ ዓሲኬ» ጌይ ጌይ ማቾ ሃሃ ዓኒ ማዲባኣያና ላሃዘንሢ ማኢሸሮ ጎጋይቃዘንሢ፥ ይያጉዲ ጎይ ፆኦሲ ማዲባኣ ካኣኸ ካኣሸካ ዓሶና ዓሲ ጫሸካ ዓሶና ማሢንታ ዓሶና ሃሃ ዉኡቃ ዓሶና ዋላ" ፔቴ" ማዲፖቴ ጌይኬ። ይያጉዳ ዓሶና ዋላ" ሙኡዚ"ታፆ ሙይፖቴ።

5:6 ጋላ. 5:9። 5:7 ኬሲ. ማፃ 12:5። 5:8 ኬሲ. ማፃ 13:3፤ ላሚ. ዋማ 16:3።

12 ኪሪስቶስ ጉሙርቁዋ፣ ዙላ" ዓኣ ዓሶ ዑፃ ዎጋኒ ታአም ኮይሳያቱዋሴ፤ ኪሪስቶስ ጉሙርቁ ዓሶይዳ ጋዓንቴ ዒንሢ ዎጋኒ ዳንዳዓያቱዋይ?

13 ኪሪስቶስ ጉሙርቁዋ ዓሶይዳ ዎጋሢ ያኦሲኬ፤ ዓካሪ ማፃአፓ ጋዓሢጉዲ «ፑርቶ ዓሢ ዒንሢ ባኣካ"ፓ ሺኢሹዋቴ።»

6

ኪሪስቶስ ጉሙርቁ ዓሶኮ ሞኦቶ ዛላ

1 ዒንሢዳፓ ፔቴ" ዓሲ ኪሪስቶስ ጉሙርቁያ ማዔ፥ ዒሻሢና ዎላ" ፑርቴቴ ኬኤዞ ያኦሲ ዓሳ ዎጋንዳጉዲ ማሂያይዳፓ ዎጌና ዓይሢሳኒ ያኦሲ ዔሩዋ ዓሶና ዎጊሳኒ ዎይቴ ዓኣዳኒ ጫርቃይ?

2 ያኦሲ ዓሳ ዓጮ"ይዳ ዎጋያታሢ ዒንሢ ዔሩዋዓዳ? ሂዳዎ ዓጮ"ይዳ ዒንሢ ዎጋያታንቴ ዬያ ዳኮ" ባኮ ዎጊፃ ዒንሢ ባሺያ?

3 ያኦሲ ኪኢታንቸይዳታዎ ኑ ዎጋንዳሢ ዒንሢ ዔሩዋዓዳ? ሂዳዎ ሃያ ዓጮ" ባኮይዳ ባሺና ዎይቴ ዎጋኒ ኑ ዳንዳዐዎይ?

4 ዓካሪ ዎሊና ዒንሢ ፑርቴቴ ኪሪስቶስ ጉሙርቁ ዓሶ ባኣካ" ባኣ ዓሶና ዎጊሳኒዳ?

5 ዔዛታ! ዒንሢ ባኣኮ"ይዳ ዓሲ ጊኢጊሻኒ ዳንዳዓ፥ ዒናና ዓኣ፥ ጩሚባኣዓዳ? ቦርሶ ዒንሢም ማዎም፤

6 ዓካሪ ፔቴ" ኪሪስቶስ ጉሙርቁ ዓሲ ባጋሢ ዎጌና ዓይሢሳኒ ያኦሲ ዔሩዋ ዓሶ ዎጎ ቤዞ ዓኣዳኒ ኮይሳ?

7 ጉቤና ዎላ" ዒንሢኮ ሞኦቲንታ ዳውሲንቴኬ፤ ዬያይዳፓ ዒንሢም ፑርቴሶናኣታቴ ሃሣ ዒንሢ ጌሾናኣታቴ ኮሺቱዋዓዳ?

8 ዒንሢ ጋዓንቴ ዒንሢም ፑርቴሳኔ፤ ሃሣ ዒንሢ ጌሻኔ፤ ዬያጉዲ ዒንሢ ዒሻንሢንታ ሚሾንሢንታም ዒንሢ ዬያይዳኔ።

9 ፑርቶ ዓሳ ያኦሲ ካኣቱሞይዳ ጌሊንዲዋኣሢ ዒንሢ ዔሩዋዓዳ? ዬያ ባኮና ጌሺንቲፖቴ፤ ዓኒ ሃሣ ማቾ ማዒባኣ ዓሶና ላሃኒ ሱኡካዳ ዓሳ፥ ያኦሲፓ ሜሌ" ካኣሻካ ዓሳ፥ ዓኒ ሃሣ ማቾ ማዒባኣ ዓሶና ላሃ ዓሳ፥ ዓቲንቁና ላሃ ዓቲንቁ፥

10 ዉሲ፥ ሚኢሼሮ ጎጋይቃ ዓሲ፥ ዑሽኪ ማሢንታ ዓሲ፥ ዓሲ ደንካ ዓሲ፥ ዓሲ ባኣዚ" ቡራ ዓሲ ያኦሲ ካኣቱሞይዳ ጌላዓኬ።

11 ዒንሢዳፓ ፔቴ" ፔቴ"ዞንሢ ቤርታ ያዲኬ፤ ሃሢ ጋዓንቴ ጎዳ ዬሱስ ኪሪስቶስ ሱንጾና ኑ ጎዳሢ ዓያኖና ጎማፓ ዒንሢ ማሰቲ ጌኤሽኬኔ፤ ያኦሲም ዲማዴ ዴሬያ ዒንሢ ማዔኔ፤ ዒሊ"ያ ዒሌ"ኔ።

ዑያ ያኦሲ ቦንቾም ማሂሢ

12 ቢያ ባኣዚ" ታ ማዳንዳጉዲ ዳይሢንቴያኬ፤ ጋዓንቴ ቢያ ባካ ታኣም ኮይሳያቱቀሴ፤ ቢያ ባኣዚ" ታ ማዳንዳጉዲ ታኣም ዳይሢንቴኔ፤ ዬይ ያዲ ማዕቴያ ዳይጎ ባኣዚ" ማኣ ካራሚ ማዒ ታ ዋርቃዓኬ፤

13 ሙኡዚ" ጎጲም፥ ጎጲ ሃሃ ሙኡዚ" ሞኬ፤ ያዲ ማዕቴያ ያኦሲ ሙዖንታ ጎጲንታ ባይዛንዳኔ። ኑኡኮ ዑፃ ጎዳም፥ ጎዳኣ ኑ ዑፃም ማዕሢሮ ኑኡኮ ዑፃ ማቾ ሃሃ ዓኒ ማዒባኣያና ላሂሢም ማሃንዳያ ኮይሱቀሴ።

14 ያኦሲ ጎዳ ዬሱሴ ሃይባ"ፓ ዔቂሴኔ፤ ሃሃ ኑናኣ ፔ ዋልቆና ሃይባ"ፓ ዔቂሳንዳኔ።

15 ዒንሢኮ ዑፃ ኪሪሰቶሴ ዑፃይዳፓ ፔቴ" ቤሲ ማዕሢሢ ዒንሢ ዔሩቀዓዳ? ዓካሪ ኪሪሰቶሴ ዑፃ ማዕሢሢ ዔኪ ዓኒ ማዒባኣ ዓሶና ላሃ ላኣሎ ዑፃና ዋላ" ፔቴ" ማሃንዳያ ታኣም ኮይሳ? ፔቴ"ታፃ ዬይ ኮይሱቀሴ!

16 ዓኒ ማዒባኣ ዓሶና ላሃ ላኣሎና ላሃ ዓሲ ዒዛና ዋላ" ፔቴ" ማዕሢሢ ዒንሢ ዔሩቀዓዳ? ዋይቲ ጌዔቴ፡- «ለምዖንሢ ፔቴ" ማዕኔ» ጌይንቴ ፃኣፒንቴሢሮኬ።

17 ጎዳና ዋላ" ፔቴ" ማዕ ዓሳ ጋዓንቴ ዒዛና ዋላ" ዓያናና ፔቴ" ማዕኔ።

18 ዬያሮ ማቾ ሃሃ ዓኒ ማዒባኣያና ላሂፖቴ፤ ዓሲ' ማዳ ሜሌ" ጎሜ ቢያ ፔ ዑፃኮ ዙላ" ማዳያኬ፤ ማቾ ሃሃ ዓኒ ማዒባኣያና ላሃ ዓሲ ጋዓንቴ ፔ ዑፃይዳ ጎሜ ማዳኔ።

19 ያኦሲዳፓ ዒንሢ ዔኬ፤ ዒንሢኮ ጋሮይዳ ናንጋ ዓያኖ ጌኤዠኮ ዒንሢ ዑፃ ማኣሮ ማዕጋታሢ ዒንሢ ዔሩቀዓዳ? ዒንሢ ያኦሲሮ ማዕንዳኣፓዓቴም ዒንሢሮቱቀሴ።

20 ዋይቲ ጌዔቴ ዒዚ ዒንሢ ሻንቂ ዔኬያኬ፤ ዬያሮ ዒንሢኮ ዑፃና ያኦሲ ቦንቹቀቴ።

7

ዔፒ ዛላ ያኦጪንቴ ያኦጪሢ

1 ዒንሢ ታና ፃኣፒ ያኦጪ፥ ዓኦጪዖ ዛሎ"ኮ፡- ዓሲ ላኣሊ ዔኪባኣቴ ኮሺኬ ታ ጋዓኔ።

2 ጋዓንቴ ማቾ ሃሃ ዓኒ ማዒባኣያና ላሂ ጎሜ ማዳቀጉዲ ፔቴ" ፔቴ" ዓቲንቆኮ ማቾ ዓኣያ፤ ሃሃ ፔቴ" ፔቴ" ላኣሎኮ ዓኒ ዓኣያ ማዖንጎ።

6:12 1ቆር. 10፥23። 6:16 ማኸ. ማፃ 2፥24። 6:19 1ቆር. 3፥16፤ 2ቆር. 6፥16።

3 ዓሲ ፔ ማቾም ፔና ዒንጋኒ ኮይሳኔ፤ ዬያጉዲ ማቻኦ ፔ ዒንም ፔና ዒንጋኒ ኮይሳኔ።

4 ማቾኮ ዑፃ ዒዛር ሌሊቱዋንቴ ዓሲንታ ዋላ"ሮኬ፤ ዬያጉዲ ሃሣ ዓሲ ዑፃ ዒዛር ሌሊቱዋንቴ ማቾንታ ዋላ"ሮኬ።

5 ጾኦሲ ሸኢቃኒ ለምዖንሣ ዋላ" ገኢጊ ዳካ" ዋዴም ማዓንዳኣገዓቴም ዲማዲ ዋርቁባኣያታቴ ቃራኬ፤ ዒንሣ ዒንሣ ካፓኒ ዳንዳዑዋያ ማዔም ፃላሄ ዒንሣ ጌሹዋጉዲ ዋላ" ማዑዋቴ።

6 ዬያ ታ ዒንሣም ጋዓሣ ዘርጉዲ ማዓንዳኣገዓቴም ዓይሥሣ ማሂቱዋሴ።

7 ዓሲ ቢያ ታጉዲ ላኣሊ ዔኩዋዖ ናንጌቴ ቃራኬ ታ ጋዓኔ፤ ጋዓንቴ ፔቴ" ፔቴ"ሣም ጾኦሲ ዲማ ዲማ ዒንገሣ ዒንጌኔ፤ ፔቴ"ሣም ፔቴ" ባኣዚ"፣ ባጋሣም ሜሌ" ባኣዚ" ዒንገንቴኔ።

8 ሎይባኣ ዓሶንታ ዔኪባኣ ዓሶንታም፤ ገንሣ ሃሣ ዓሲንሣ ሃይቄ ላኣሎንታም ታ ሂዚ ጋዓኔ፡- ዔያታ ሎውዋዖ ሃሣ ዔኩዋዖ ታጉዲ ናንጌቴ ዔያቶም ቃራኬ።

9 ጋዓንቴ ዔያታ ፔና ዳንዳዒ ካፓኒ ባሽንቴቴ ሌዖንጎ፣ ዔኮንጎ፤ ዓይጎር ጌዔቴ ዔኪሣና ሎዒሣና ዘላ ማሊ ሜታዲሣዳፓ ዔኪዖና ሎይዖና ኮሺኬ።

10 ዔኬዘንሣና ሎዔዘንሣናም ታ ሂዚ ጋዓኔ፡- ሃይ ጎዳ ጋዓያ ማዓንዳኣገዓቴም ታ ጋዓያቴዋሴ። ሎዔ ላኣሊ ፔኤኮ ዓሲዳፓ ዲማዳፓ፤

11 ዓሲፓ ዲማዲ ዒዛ ኬሰኬቴ ሎውዋዖ ፔኤር ናንጎንጎ፤ ዔይዔ ጌዔቴ ዓሲና ቡኮንጎ፤ ዬያጉዲ ዓሲያ ፔ ማቾ ዓንጃፓ።

12 ሃንጎዋቶም ጎዳ ጋዓያቴዋንቴ ታ ሂዚ ጋዓኔ፡- ፔቴ" ኪሪሰቶሴ ጉሙርቃ ዓሲኮ ኪሪሰቶሴ ጉሙርቁዋ ላኣሊ ዓኣያታዖ ዒዛና ዋላ" ናንጋኒ ኮዔቴ ዒዛ ዒ ዓንጃፓ።

13 ሃሣ ኪሪሰቶሴ ጉሙርቃ ላኣሊኮ ኪሪሰቶሴ ጉሙርቁዋ ዓሲ ዓኣያ ማዔ፣ ዒዛና ዋላ" ናንጋኒ ኮዔቴ ዒዛ ዒዛፓ ዓንጃንቶፓ።

14 ዓይጎር ጌዔቴ ኪሪሰቶሴ ጉሙርቁዋያ ማዔ ዓናሣ ኪሪሰቶሴ ጉሙርቃ ዒዛኮ ማቾ ዘሎ"ና ጾኦሲ ዓሲ ማዓሣሮኬ፤ ኪሪሰቶሴ ጉሙርቁዋያ ማዔ ላኣሌላኣ ኪሪሰቶሴ ጉሙርቃ ዓሲ ዘሎ"ና ጾኦሲ ዓሲ ማዓኔ፤ ያዲ ማዒባኣቶ ናኣታ" ዒንሣኮ ጾኦሲ ዓሲ ማዓሲ ዳንዳዑዋሴ፤ ዬያይዲ ዒንሣ ናንጌቴ ናኣታ" ዒንሣኮ ጾኦሲ ዓሲኬ።

7:11 ማቴ. 5፣32፤ 19፣9፤ ማር. 10፣11-12፤ ሉቃ. 16፣18።

15 ኪሪሰቶሴ ጉሙርቁዎን ማዕ ዓሶማ ደማዳኒ ኮዔቴ ደማዳንጎ፤ ዩካፓ ኪሪሰቶሴ ጉሙርቅያ ማዕ ዓኒታቴያ ማቾ ፔቴ" ማሃ ዎጋ" ዓርቅኒ ዳንዳዑቀሴ። ዓይጎሮ ጌዔቴ ያኦሲ ኑና ዔኤሌ"ሢ ኮሹሞና ኑ ናንጋንዳጉዲታሢሮኬ።

16 ዔና፣ ኪሪሰቶሴ ጉሙርቅዬሌ ኪሪሰቶሴ ጉሙርቁዎ ዓኒ ኔኤኮ ኔ ዳቂሻንዳያ ናንዳኔ ኔ ዔራ? ኔኤኒ ኪሪሰቶሴ ጉሙርቅሃ ኪሪሰቶሴ ጉሙርቁዎ ኔኤኮ ማቾ ኔ ዳቂሻንዳያ ናንዳኔ ኔ ዔራ?

17 ፔቴ" ፔቴ"ሢ ያኦሲ ዒዛም ጌዔ ጎይያ ሃሃ ያኦሲ ዒዛ ዔኤሌ"ኣና ዓኣ ጎይያ ናንጎንጎ። ኪሪሰቶሴ ጉሙርቅ ሺኢጲያ ማኣሮ ዓሶም ቢያ ታ ዒንጌ ዎጋ" ዩያኬ።

18 ያናታቴያ ዓተንቶ ቤርቶ ቲቂንቴያታዎ ዔኤሌ"ንቴያ ማዔቴ ቲቂንቴባኣሢሃጉዲ ማዓኒ ማሎፓ፤ ዓተንቶ ቤርቶ ቲቂንቴባኣዎ ዔኤሌ"ንቴያ ማዔቴ «ቲቂንታኒ ኮይሳኔ» ጌይሳ ባኣዚ" ባኣሴ።

19 ዓተንቴ ቤርቲ ቲቂንቴሢ ማዔቴያ ቲቂንቴዎ ሃሺ"ዎ ማኣዳ" ባኣዚ" ባኣሴ፤ ባሼ ኮይሳሢ ያኦሲ ዓይሢያ ኩንሥሢኬ።

20 ዩያሮ ፔቴ" ፔቴ" ዓሳ ያኦሲ ዒዛ ዔኤሌ"ኣና ዓኣ ጎይያ ማ ናንጎንጎ።

21 ያኦሲ ኔና ዔኤሌ"ኣና ኔ ዓሲኮ ዓይሌ"ዳ? ያዲ ኔ ማዔቴያ ዔኤቢባኣሴ፤ ማሊ ሜታዲፖ፤ ዓይሌ"ማፓ ኬሰካኒ ካራ ኔኤም ጴዳቴ ኬዘ ሃሺ"ፖ።

22 ዓይጎሮ ጌዔቴ ዓሲኮ ዓይሌ" ማዒ ዓኣንቴ ጎዳ ዔኤሌ" ዓሲ ጎዳና ዓይሌ"ማፓ ኬሰኬኔ፤ ዩያጉዲ ዓይሌ"ቱዎያታዎ ዔኤሌ"ንቴ ዓሲ ኪሪሰቶሴኮ ዓይሌ"ኬ።

23 ያኦሲ ዒንሢ ሻንቁ ዔኬሢሮ ዓሲኮ ዓይሌ" ማዒፖቴ።

24 ዩያሮ ታ ዒሾንሃ ታ ሚሾንሃ! ፔቴ" ፔቴ" ዓሳ ዔኤሌ"ንታማና ዓኣ ጎይያ ያኦሲና ዎላ" ናንጎንጎ።

ዔኪባኣያ ሃሃ ሎዒባኣ ዓሶና ዓኒንሢ ሃይቁ ላኣሎና ዘላ

25 ዔኪባኣያ ሃሃ ሎዒባኣ ዓሶ ዘሎ" ጎዳፓ ታ ዔኬ ዓይሥሢባኣሴ፤ ጋዓንቴ ጎዳኮ ማኣሪፃፓ ዔቁያና ጉሙርቁንቴ ዓሲ ማዒ ሃካፓ ሊካ ታ ማሊያ ታ ኬኤዘኔ፤

26 ሃሃ ኑ ዓኣ ዎዳ" ሜቶ ዎዳታሢሮ ዓሲ ዓኣማ ጎይያ ናንጌቴ ቃራኬ።

27 ጋዓንቴ ላኣሊ ኔ ዔኬያ ማዔቴ ዓንጃኒ ኮይፖ፤ ላኣሊ ኔ ዔኪባኣያ ማዔቴ ዔካኒ ኮይፖ።

28 ኔኤኒ ላኣሊ ዔኬቴ ጎሜ ማዳኔ ጌይሢቱዎሴ፤ ሃሃ ፔቴ" ዉዲሮ ናይ ሎዔቴ፣ ጎሜ ዒዛ ማዳኔ ጌይሢቱዎሴ፤ ማዔቴያ ዔካ

ዓሶና ሎዓ ዓሶና ሃያ ዓጮ"ይዳ ሚርጌ ናንጊ ሜታ ሄላ"ኔ፤ ታኣኒ ዒንሢ ዬይ ሄሎ"ዋጉዲ ኮዓኔ።

29 ታ ዒሾንሦ! ታ ሚሾንሦ! ታ ዒንሢም ሂዚ ጋዓኔ፡- ዋዳ" ጋፒ ጋፒኬ፤ ሃካፓ ሴካ ላኣሊ ዓኣሢያ ዔኪባኣያጉዲ ማዒ ናንጎንጎ።

30 ያያሢ ያዩዋኣሢጉዲ፣ ዋዛዳሢ ዋዛዳዋኣሢጉዲ ማዒ ናንጎንጎ፤ ዔኤቢ ሻንቃሢ ዒ ሻንቄ ባካ ዒዛሮኬ ጌይ ማሎፓ።

31 ሐያ ሳያይዳ ዓኣ ቆሎ"ና ማኣዲ"ንታሢ ጉቤ ማኣዲ"ንቱዋያ ማዒ ናንጎንጎ፤ ዓይጎሮ ጌዔቴ ሃያ ዓጮ" ባካ" ለኣሚንታንዳሢሮኬ።

32 ዬያሮ ዓይጎ ማሊሢና ዒንሢ ሜታዲዋያ ናንጋንዳጉዲ ታ ኮዓኔ፤ ላኣሊ ዔኪባኣ ዓሲ ጎዳ ዋዛሳንዳ ባኣዚ" ኮዓሢሮ ጎዳ ዋዛሳ ባኣዚ" ማለኔ።

33 ላኣሊ ዔኬ ዓሲ ጋዓንቱ ማላሢ ሃያ ዓጮ" ባኣዚ"ና ፔ ማኛ ዋዛሳንዳ ባኣዚ"ኬ።

34 ዬያሮ ማሊፃ ዒዛኮ ላምያ ፓቁንታኔ ጌይሢኬ። ዬያጉዲ ሎዒባኣ ላኣሊ ታቱያ ዉዲሮ ናይ ፔኤኮ ዓሽኮና ሽምፓሢና ያኣሲም ዲማዴያ ማዓኒ ኮዓሢሮ ማሊፃ ዒዛኮ ጎዳም ኮይሳ ማጅ"ይዳኬ። ሎዔ ላኣሌላ ጋዓንቱ ፔኤኮ ዓኒ ዋዛሳኒ ኮዓሢሮ ዒዛ ማላሢ ሃያ ዓጮ" ባኣዚ"ኬ።

35 ዬያ ታ ጋዓሢ' ዒንሢም ኮይሳ ባኮ ማሊሢና ማዓንዳኣፓዓቱም ዒንሢም ዔሶ" ዴኤፃሳኒቱዋሶ፤ ታኣኮ ማሊፃ ዒንሢ ኮይሳ ጎይሢ ናንጋንዳጉዲና ማሊፃ ዒንሢኮ ዣኣሎዋንቱ ጉቤ ዒናና ማዒ ጎዳም ማዳንዳጉዲ ጌይኬ።

36 ፔቴ" ዓሲ ፔቴ" ዉዲሮ ናሽኪ ዋላ" ዓማላ"ያታያ ዬኖ ዔካኒ ማሊባኣንቱ፣ ዬኖ ዉዲሬሎኮ ሎያንዶ ዋዳ" ዓኣዳያ ማዔቴ ሃሣ ዒ ዔኪፃ ማሊፃ ገባ"ኒ ዳንዳዒባኣያታቴ ጎሜ ባኣሴ ዔዔኮንጎ።

37 ጋዓንቱ ዔካኒ ዒዛ ሜታሳ ባኣዚ" ባኣቱ፣ ዔኩዋያ ዴዓኒ ዳንዳዓያታቴ ሃሣ ዬይ ጎኔ ዒናፓ ማዔያታቴ ዔኪባኣቱ ኮሺኬ።

38 ዬያሮ ያኣጮዞ ዔኬሢ ኮሺ ማዴኔ፤ ዔኩዋያ ሃሺ"ሢያ ባሽ ኮሺ ማዴኔ።

39 ፔቴ" ላኣሊ ዓኒ ሽምፔና ዓኣና ዔፒ ዛላ ዋጌና ቱኡቱያኬ፤ ዓኒ ሃይቄቱ ጋዓንቱ ሜሌ" ኮዔ ዓሲም ዒዛ ሎዓኒ ዳንዳዓኔ፤ ዒዛ ሎዓንዳ ዓሢ ኪሪሰቶሴ ጉሙርቃያ ማዓኒ ኮይሳ።

40 ታ ማሊፃና ታ ጋዓሢ ሎውዋያ ፔኤሮ ዒዛ ናንጌቴ ባሽ ዒዛ ዋዛና ናንጋንዳኔ፤ ታና ያኣሲ ዓያና ዬያ ጌይሳያ ማለኔ።

8

ሜሌ" ካኣሺም ሹኪንቴ ዓሽኪ ዛላ

1 ሜሌ" ያኦዘም ሹኪንቴ ቆልሞ ዓሽኪ ዛሎ" ሂዚ ታ ጋዓኔ፡-
ቢያሂኮ ኦኡኮ ዔራቶ ዓኣኔ። ዔራቶ ዓሲ የቶቦርሳኔ፤ ናሹሞ
ጋዓንቴ ዓሲ ኮኮሻኔ።

2 «ታ ዔራኔ» ጋዓ ዓሲ ኮይሳሂጉዴያ ሃጊ ዔሪባኣያኬ።

3 ያኦሲ ናሽካ ዓሲ ጋዓንቴ ያኦሲና ዔርቴያ ማዓኔ።

4 ዓካሪ ሜሌ" ያኦዘም ሹኪንቴ ዓሽኪ ዛላ ታ ጋዓሂ" ሜሌ"
ያኦዘ ሃያ ዓጮ"ይዳ ዓይጎቱቸላሂ ኦ ዔራኔ፤ ዬያጉዲ ፔቴ"
ያኦዘሂዳፓ ዓታዛ ሜሌ" ያኦሲ ባኣሂያ ኦ ዔራኔ።

5 ሚርጌ፡ ያኦሲ ጌይንታ ባኣዚ"ና ጎዳቲ ጌይንታይ ዓኣኔ፤
ጋዓንቴ ጫሪንጫ ማዔቴያ ሳዖይዳ ያኦሲ ጌይንታ ካኣሽኮ ባኣዚ"
ዓኣቴያ፡

6 ኦኡኮ ጋዓንቴ ቢያ ባኣዚ" ዒዛይዳፓ ማኸንቴያ፡ ኦኡኒያ
ዒዛም ማኸንቴያ ፔቴ" ያኦሲ ማዔ ዓዴ ዓኣኔ፤ ዬያጉዲ ሃሃ ቢያ
ባኣዚ" ዒዛ ዛሎ"ና ማኸንቴያ ኦኡኒያ ዒዛ ዛሎ"ና ማኸንቴ፡
ፔቴ" ጎዳ ዬሱሰ ኪሪሰቶሴ ኦኡኮ ዓኣኔ።

7 ጋዓንቴ ዬያ ቢያሂ ዔራቦሴ፤ ፔቴ" ፔቴ"ዘንሂ ሃሂ
ሄላ"ንዳኣና ሜሌ" ያኦዘ ካኣሽኪሂ ዔሬሂሮ ዬያጉዴ ዓሽኮ ዔያታ
ሙዓሂ ሜሌ" ያኦዘም ሹኪንቴያ ማሂኬ፤ ዒና" ዔያቶኮ ዔያቶ
ዳቢንቴያኬ ጋዓሂሮ ዔያታ ዒኢታኔ።

8 ጋዓንቴ ያኦሲና ኦኡና ዎላ" ካንሃሂ ሙኡዚ"ቱቦሴ፤ ኦ
ሙዒባኣቴያ ፓጫንዳ ባኣዚ" ባኣሴ፤ ኦ ሙዔቴያ ባሼ ዴንቃንዳ
ባኣዚ" ባኣሴ።

9 ዬይ ያዲ ማዔቴያ ዬይ ኮዔ ጎይያ ማዲ፡ ኪሪሰቶሴ
ጉሙርቂያና ደዲባኣ ዓሶ ዳቢሻያ ማዑቦጉዲ ዒንሂና ዔራቀቴ።

10 ዓይጎሮ ጌዔቴ «ታ ዔራኔ» ጌዒ ሜሌ" ያኦዘም ሹኪንቴ
ዓሽኮ ካኣኸ ማኣራ ኔ ዴዒ ሙዓንቴ ኪሪሰቶሴ ጉሙርቂ ደዲባኣ
ዓሂ ኔና ዴንቁቴ ዬይ ማዲ" ኔኡኮ ሜሌ" ያኦዘም ሹኪንቴ ዓሽኮ
ሙዓንዳጉዲ ዓሂ ማሃያቱቦዓዳ?

11 ዬያር ኔኡኮ «ታ ዔራኬ» ጌይያና ኪሪሰቶሴ ዒዛ ጋይቴ
ሃይቁሂና ጉሙርቂያና ደዲባኣሂ ባይቁኔ ጌይሂኬ።

12 ዬያይዲ ኪሪሰቶሴ ጉሙርቃ ዒንሂኮ ዒሾንሂንታ
ሚሾንሂንታ ዳቢሻያና ሃሃ ዔያቶኮ ላቤ" ዒና ባሼ ላቤ"ሲያና
ኪሪሰቶሴም ዎይዘ ዒያያ ማዒ ዒንሂ ዳባኔ።

13 ዬያሮ ሙኡዚ" ታኣኮ ኪሪሰቶሴ ጉሙርቃ ዒሻሢንታ ሚሾንታ ደቢሻያ ማዕቴ፥ ታ ዒሻሢንታ ታ ሚሾንታ ዲቂሲያይዳፓ ፔቴ"ታዎ ዓሸኪ ታ ሙዓዓ።

9

ያኦሲ ማደም ዳኪንቴ ዓሲም ኮይሳ ባኣዚ"

1 ታኣኒ ቢያ ባኣዚ" ማዳኒ ዳንዳዓ ዓሲቱዋዓዳ? ያኦሲ ማደ"ማኣ ታ ዳኪንቴያቱዋዓዳ? ኑ ጎዳሢ ዬሱሴ ታ ዛገባኣዓዳ? ጎዳ ዬሱሴም ታ ማደጃ ማደ"ኮ ዓኣፓ ዒንሢቱዋዓዳ?

2 ጎዳ ታና ያኦሲ ማደ"ም ዳኬያ ማዕሚ ዔርዛ ማላታ' ዒንሢ ማዕሚረ ሃንጎዋታ ታና ያኦሲ ማደ"ም ዳኪንቴያኬ ጌይባኣቴያ ዒንሢም ጋዓንቴ ታ ጎኔና ያኦሲ ማደ"ም ዳኪንቴሢ።

3 ያኦሲ ማደ"ም ዳኪንቴያ ዛሎ" ታና ደንካ ዓሶም ታ ሂዚ ጋዓኔ፡-

4 ሙዎ ባኣዚ"ና ዑሽኮ ባኣዚ"ና ታኣም ኮይሱዋያዳ?

5 ያኦሲ ማደ"ም ዳኪንቴ ሜሌ"ዘንሢና ጎዳ ዬሱሴኮ ጌርሲንሢና ጳዲርሴንሢናጉዲ ኪሪሰቶሴ ጉሙርቃ ላኣሊ ዔኪ ዋላ" ሃንታኒ ኮይሱዋኣሢ ታና ሌሊዳ?

6 ሃሃ ኑና ዋይሢ ማዲ ላቢ" ናንጋኒ ኮይሳሢ ባርናባሴና ታኣና ሌሊዳ?

7 ዒንጎ ሚኢሽ ባኣንቴ ፔ ሚኢሽና ፖኦሊሴ ማዒ ማዳይ ያናዳይ? ሃሃ ዋይኖ ቱካ"ዎ ዓኣፓ ካፃዛ ሙዑዋኣሢ ያናዳይ? ቆልሞ ሄንቃያታዎ ዲኢቆ ዑሽኮዋይ ያናዳይ?

8 ሓያ ታ ጋዓሢ ዓሲ ማሊሢና ሌሊዳ? ሙሴ ዔርዜ ዋጋ" ሂዚ ጎውዋዓዳ?

9 ዋጎይዳ፡- «ሃኣኮ ሺርካ ጌሚኮ ዳንጎ ቱኪ"ፖ» ጌይንቴ ያኣፒንቴኔ። ሂዳዎ ያኦሲ ዬያ ጌዔሢ ጌማቶም ማሊዳ?

10 ዒዚ ዬያ ጌዔሢ ጎኔና ኑ ዛሎ"ቱዋዓዳ? ጎኔኬ፥ ዬይ ያኣፒንቴሢ ኑ ዛላኬ፤ ዓይጎር ጌዔቴ ጎሽካሢ ሃሃ ሃኣኮ ሺርካሢ ሃኣኮይዳፓ ዒዛም ሄላ"ንዳያ ዓኣሢ ዔሪ፥ ሃገ ማዓንዳ ዋዛ ጌሃሢሮኬ።

11 ኑኡኒ ዒንሢም ዓያና ባኣዚ" ዜርቃዎ ዒንሢዳፓ ዓሲ ዒንጋ ባኣዚ" ዳንቄቴ ዬይ ዳኤፒ ባኣዚ"ዳ?

12 ሃንጎዋታ ዬያ ባኮ ዒንሢዳፓ ዳንቃያ ማዕቴ ዓካሪ ኑኡኒ ዬያፓ ባሽ ዳንቃኒ ኮይሱዋዓዳ?

ኩሉ ጋዓንቴ ዩያይዲባኣሴ፤ ኩሉ ዩያ ሃሼ"ሢ፡ ኪሪሰቶሴ ኮዡ ሃይሶ ማድ"ኮ ዲቆ ማዑዋጉዲ ቢያ ባኣዚ" ገቢ" ኑ ዲንዳፖም ጌይኬ።

13 ጌኤዡ ማኣሮይዲ ማዳ ዓሳ ሙዖ ዒኢካፓ ዴንቃሢንጎ ሹጮና ማዡና፡ ያኦሲም ዒንጎ ቤዘይዲ ማዳ ዓሳኣ ዒንጎ ባኮይዲፓ ዔኪ ሙዓሢ ዒንሢ ዔረቆዓዲ?

14 ዩያጉዲ ኮዡ ሃይሶ ኬኤዛ ዓሳ ዔያጎ ሙዓንዳ ባኮ ዩኖ ማዳ ማድ"ይዲፓ ዴንቃንዳጉዲ ጎዳ ዓይሢ።

15 ታኣኒ ጋዓንቴ ዩያ ታኣም ኮይሳ ባኮይዲፓ ፔቴ"ታዖ ዔኪባኣሴ፤ ዩይ ታኣም ሃሢ ያዲ ማዓንዳጉዲ ጌይቴዋሴ ሃያ ታ ዒንሢም ፃኣፓሢ፤ ታ ጫርቂ ጌሰቴ ባኮ ጉሪ ማሃያይዲፓ ታ ሃሃይቁቴ ቃራኬ።

16 ኮዡ ሃይሶ ኬኤዚፃ ታኣም ዓይሢንቴ ዓይሥሢ ማዔሢር ታና ሄርሺንጉሳ ባኣዚ"ቴዋሴ፤ ታኣኒ ኮዡ ሃይሶ ኬኤዚባኣያ ማዔቴ ታና ባዴዔ።

17 ኮዡ ሃይሶ ቃኣሎ" ናሽኪ ታ ኬኤዛያ ማዔቴ ላቢ"ዖ ዛሎ" ታኣም ዒንገንጎንዳ ባኣዚ" ዓኣኔ፤ ዓይሥሢና ታ ኬኤዛያ ማዔቴ «ማዳ» ጌይ ዓይሢንቴሢ ኩንሢያፓዓቴም ማሌ" ባኣዚ" ታ ማዴኔ ጌይሢቴዋሴ።

18 ሄዳፖ ታኣኮ ላቢ"ዖም ዒንገንጎ ባካ ዓይጌንዴዳይ? ዓካሪ ታኣም ዒንገንጎ ባካ ኮዡ ሃይሶ ታ ኬኤዛኣና ታኣም ኮይሳ ባኮ ዔኩዋ፡ ዔኤቢ ባኣያ ማዳሢኬ።

19 ታኣኒ ዓይሳ ዓሲኮዋ ካራሚቴዋሴ፤ ማዔቴያ ታኣም ዲንዳዒንቴ ጎይፖና ሚርጌሢ ዳቂሻኒ ጌዒ ቢያሢኮ ታ ካራሚ ማዔቴ።

20 ዓይሁዴ ዓሶ ታ ዳቂሻኒ ዓይሁዴ ዓሶና ዓይሁዴ ዓሲ ታ ማዔቴ፤ ዋዚ ታ ሙሴ ዔርዜ ዋጎም ዓይሢንቴዋያ ማዔቴያ ሙሴ ዋጎም ዓይሢንጎ ዓሶ ዳቂሻኒ ጌዒ ዔያቶጉዲ ታ ማዔቴ።

21 ዋዚ ታኣኒ ያኦሲ ዋጋ"ፓ ኬሰኪባኣያ ሃሢ ኪሪሰቶሴ ዋጎማኣ ዓይሢንጎያጎ ዋጋባኣ፡ ዓይሁዴቴዋ ዓሶ ዳቂሻኒ ዔያቶጉዲ ታ ማዔቴ።

22 ኪሪሰቶሴ ጉሙርቂፖና ላቤ"ዘንሢ ዳቂሻኒ ታ ዔያቶጉዲ ማዔቴ፤ ዲንዳዒንቴ ጎይፖና ፔቴ" ፔቴ"ዘንሢ ዳቂሻኒ ቢያሢና ዋላ" ቢያ ባኣዚ" ታ ማዔቴ።

23 ዩያ ታ ቢያ ማዳሢ ኮዡ ሃይሶኮ ዓንጀ ዴንቃኒ ኮዡ ሃይሶ ዛሎ"ሮኬ።

7 «ዓሳ ሙዒ፥ ዑሽካኒ ዳዔኔ፤ ኮርጋኒያ ዔቄኔ †» ጌይንቴ ፃኣፒንቴሢጉዲ ሃሣ ዔያታ ሜሌ" ካኣሽኮ ባኣዚ" ካኣሽኬ ጎይያ ዒንሢያ ዔያቶጉዲ ሜሌ" ካኣሽኮ ባኣዚ" ካኣሽኪፖቴ።

8 ዔያቶይዳፓ ፔቴ" ፔቴ" ዓሳ ማቾ ሃሣ ዓኒ ማዒባኣያና ላሂ፥ ጎሜ ማዕሢጉዲ ኑኡኒያ ዓኒ ሃሣ ማቾ ማዒባኣያና ላሂባኣቴ ኮሺኬ፤ ዓይጎሮ ጌዔቴ ዔያታ ዬያ ማዕሢሮ ዔያቶይዳፓ ላማታሚ" ሃይሣ ሺያ ዓሲ ፔቴ" ኬሊ"ና ሃይቄኔ።

9 ሃሣ ዔያቶኮ ፔቴ" ፔቴ" ዓሳ ጎዳ † «ዒ ዎይታቴያ ኑ ዛጎም» ጌዒ ሸኣዦና ዳይንቴ ሃይቄሢጉዲ ኑኡኒያ ያዲ ማዕሢኣቴ ኮሺኬ።

10 ዔያቶይዳፓ ፔቴ" ፔቴ" ዓሳ ድንኪ፥ ጉንዳሚም ያኦሲ ዳኬ ዎዳ ኪኢታጎቻሢ ዔያቶ ዎዲ ባይዜሢጉዲ ዒንሢያ ያዲ ማዒባኣቴ ቃራኬ።

11 ዬይ ቢያ ባካ ዔያቶ ሄሌ"ሢ ኑም ኮኦኪንሢ ማዓንዳጉዲኬ፤ ሃሣ ፃኣፒንቴሢያ ዎድ"ኮ ጋፒንፆይዳ ዓኣ፥ ኑም «ዒንሢና ዔሩዎቴ» ጋዓ ላቲሢምኬ።

12 ዬያሮ «ጉሙርቂዎና ታ ዶዲ ዓኣኔ» ጋዓሢ ሎኦሙዎጉዲ ፔና ኮሺ" ዔሮንጎ።

13 ዓሲ ሜሌ"ይዳ ሄሊ"ባኣ፥ ያኦሲ ዛጋኒ ዳካ ሜታ ዒንሢ ሄሊ"ባኣሴ፤ ያኦሲ ጉሙርቂንታያታሢሮ ዒንሢ ዳንዳዓንዳሢኮ ዑሣ ዓኣዳ ዒንሢ ሜታዳንዳጉዲ ዒ ኮዑዎሴ፤ ዒንሢም ሜታሢ ዒንጊ ዒንሢ ዛጎ ዎድ"ና ዳንዳዓንዳጉዲ ዎልቂ ዒንጊ፥ ዒንሢ ኬሰካንዳ ጎይሢያ ዒንሢም ዒ ጊኢጊሻኔ።

14 ዓካሪ ዒጊሮንሢዮቴ! ሜሌ" ካኣሽኮ ባኮ ካኣሽኪፖቴ።

15 ዬያ ታ ዒንሢም ጋዓሢ ዒንሢ ዔራ ዓሲ ማዔሢሮኬ፤ ሃንዳ ታ ኬኤዛ ባኮ ዒንሢ ዒንሢሮ ዎጉዎቴ።

16 ያኦሲ ሺኢቂ ኑኡኒ ዑሽካ ባካ ኪሪሰቶሴ ሱጉዮና ፔቴዎ ዓኣያቱዎዳዳ? ሃሣ ኑኡኒ ዎላ" ዔካ ካፃ ኪሪሰቶሴና ዎላ" ፔቴ"ቱዎዳዳ?

17 ኑ ሙዒሢ ፔቴ" ካሣ ሌሊታሢሮ ዎዚ ኑ ሚርጌታቴያ ፔቴ" ዑሢኬ።

† 10:7 ኮርጋኒያ ዔቄኔ ጋዓዛ፡ ጊሪኮ ሙኡጮ ማፃኣፖይዳ «ዓማላ"ኒ ዔቄኔ» ጋዓኔ፤ ዬይ ዓይጎዳይ ጌዔቴ ዓሳ ሙይ ዑሽኬሰካፓ ሜሌ" ካኣሽ ካኣሽኬሢ ማቾ ሃሣ ዓኒ ማዒባኣያና ላሂሢ ዳዎኬ። 10:7 ኬሲ. ማፃ 32፥6። 10:8 ፓይ. ማፃ 25፥1-18። † 10:9 ጎዳ- ጋዓዛ ፔቴ" ፔቴ" ማፃኣፓ «ኪሪሰቶሴ» ጋዓኔ። 10:9 ፓይ. ማፃ 21፥5-6። 10:10 ፓይ. ማፃ 16፥41-49። 10:16 ማቴ. 26፥26-28፤ ማር. 14፥22-24፤ ሉቃ. 22፥19-20።

18 ሂንዳ ዲስራዔኤል ዴራ" ማዴ ባኮ ማሉዋቲ፤ ያኦሲም ዲንጎና ባኮ ሙዓዛንሢና ሹጮና ኮሾ"ና ዲንጎ ቤዘናኮ ፔቱሞ ባኦዳዳ?

19 ሂዳዎ ሜሌ" ካኦሽኮ ባኮም ሹኪንቴ ቆልሞ ዓሸኮና ሃሣ ካኦሽኮ ባካኦ ዔኤቢኬ ታ ጋዓኔ ጌይሢዳ?

20 ያዲቱዋሴ፤ ያኦሲ ዔራዋ ዓሳ ቆልሞ ሹካሢ ያኦሲምቱዋንቴ ፑርቶ ዓያኖምኬ፤ ዬያሮ ዲንሢ ፑርቶ ዓያኖና ዋላ" ፔቲ" ማዓንዳጉዲ ታ ኮዑዋሴ።

21 ጎዳ ባኮ ዑሽኪ ዑሽኪ ሃሣ ፑርቶ ዓያኖ ባኮዋ ዲንሢ ዑሽኪ ዲንዳዑዋሴ፤ ዬያጉዲ ሃሣ ጎዳ ባኮ ሙዒ ሙዒ ፑርቶ ዓያኖ ባኮዋ ዲንሢ ሙዒ ዲንዳዑዋሴ።

22 ዓካሪ ኦኦኒ ጎዳ ባኮ ሃሺ"ያና ዒዛ ዳጋሶንድ? ኑ ዒዛይዳፓ ባሽ ዶዲኬ ጌይሢዳ?

23 «ቢያ ባኦዚ" ማዳንዳጉዲ ዓይሢንቴያኬ» ጋዓንቴ ቢያ ባካ ማኦዳ"ያቱዋሴ፤ «ቢያ ባካ ማዳንዳጉዲ ዓይሢንቴያኬ» ጋዓንቴ ቢያ ባካ ኮሻ"ያቱዋሴ።

24 ፔቲ" ፔቲ"ሢ ሜሌ"ሢም ማዓ ባኮዋ ማላንዳኦፓዓቲም ፔኤም ማዓ ባኦዚ" ሌሊ ዛጎፓ።

25 ዒኔና ማሊ ሂርጉዋዎ፣ ቦኦካይዳ ሻንቹንታ ዓሸኮ ዚቲ ጋዓ፣ ሙዑዋቲ፤

26 ዓይጎር ጌዔቴ፡- «ሳዎና ጋሮይዳ ዓኦ ባካ ቢያ ጎዳሮኬ» ጌይንቴ ያኦፒንቴኔ።

27 ኪሪሰቶሴ ጉሙርቁዋ ዓሲ ሙኡዚ" ሙዎም ዲንሢ ዔኤሌ"ያ ማዓም ዲንሢ ዓኦዲኒ ኮዔቴ ዒኔና ማሊ ሂርጉዋዎ ዚቲ ጌይ ዲንሢም ዲንጊንቴ ዓይጎ ሙኡዚ"ታቲያ ቢያ ሙዑዋቲ።

28 ጋዓንቴ ፔቲ" ዓሲ፡- «ሃይ ዓሸካ ሜሌ" ካኦሽኮ ባኦዚ"ም ሹኪንቴያኬ» ዲንሢም ጌዔቴ፣ ዬያ ኬኤዜ ዓሢንታ ዒኔ ቆዳ ማሊ ማሊያንታሮ ጌዒጋፓ ዬያ ሙዒፖቴ።

29 ማሊያ ታ ጌዔሢ ዓሢ ማሊያሮ ጌይሢ ማዓንዳኦፓዓቲም ዲንሢሲቱዋሴ፤ ዓካሪ ሜሌ" ዓሲ ማሊሢ ዛላ ጌዒ ዋይቲ ታና ላኦጊንታይ?

30 ታኦኒ ያኦሲ ጋላቲ ጋላቲ ሙዔቴ ያኦሲ ታ ጋላቲ ሙዔ ባኮና ዋይቲ ታ «ዳቤኔ» ጌይንታይ?

31 ዓካሪ ሙዓቶዋ፣ ዑሽካቶዋ ዓይጎ ባኦዚ"ያ ማዳቲ ቢያ ባኦዚ" ያኦሲ ቦንቾም ማዳቱዋቴ።

10:18 ለዊ. ዓከ. 7፥6። 10:20 ላሚ. ዋማ 32፥17። 10:22 ላሚ. ዋማ 32፥21። 10:23 1ቆሮ. 6፥12። 10:26 ዓይኑ. 24፥1።

32 ዓይሁዶ ዓሶም ማዕቴያ ዓይሁዶ ማዕባክ፥ ገሪኮ ዓሶም ሃሣ ኪሪሰቶሴ ጉሙርቃ ዓሶማኣ ዲቆ ማዕፖቴ።

33 ታኣኒ ቢያሢ ደቃንዳጉዲ ሜሌ" ዓሶም ኮይሳ ባኮ ማዕንዳኣፓ ዓቴም ታኣም ኮይሳ ባኮ ኮውዋያ ቢያ ዓሲ፥ ቢያ ባኣዚ"ና ታ ዋዛሳሢጉዲ ዒንሢያ ዬያይዲዋቴ።

11

1 ታኣኒ ኪሪሰቶሴ ማዳ ጎይያ ማዳሢጉዲ ዒንሢያ ታ ማዳ ጎይያማ ማዲዋቴ።

ዳምቤና ያኦሲ ካኣሸኪሢ ዛላ

2 ታ ማዳ ባኮና ታ ዒንሢ ዔርዜ ባኮና ዶዲሺ ዓርቂ ዒንሢ ጸቂሣሢሮ ታ ዒንሢ ጋላታ።

3 ጋዓንቴ ዓተንቁኮ ቢያ ዑፃ ቢታንቶ ዓኣሢ ኪሪሰቶሴ ማዕሢ፥ ላኣሊ ዑፃ ቢታንቶ ዓኣሢ ዓተንቁ ማዕሢ፤ ሃሣ ኪሪሰቶሴ ዑፃይዳኣ ቢታንቶ ዓኣሢ ያኦሲ ማዕሢ ዒንሢ ዔራንዳጉዲ ታ ኮዓኔ።

4 ቶኦኪ ካንቂ ያኦሲ ሺኢቃያና ያኦሲ ማለሢ ኬኤዛ ዓተንቁ ቢያ ዒዛኮ ቶኦካ"ሢ ማዕ ኪሪሰቶሴ ቦሂሳኔ፤

5 ዬያጉዲ ቶኦኮ" ፔኤኮ ያሹዋያ ሺኢቃያ፥ ሃሣ ያኦሲ ማለሢ ኬኤዛ ላኣሌላኣ ዒዛኮ ቶኦካ"ሢ ማዕ ዓተንቃሢ ቦሂሳኔ፤ ዋይቲ ጌዔቴ ፔ ቶኦኮ" ያሹዋ ላኣሌላ ጉኡሊ"ንቴያጉዲ ማዕሢሮኬ።

6 ላኣሊ ፔ ቶኦኮ" ያሹዋያ ማዕቴ ቶኦኮ" ፔኤኮ ታይዘንጎ፤ ጋዓንቴ ቶኦኮ" ታይዚያንታ ጉኡሊ"ያንታ ቦርሳያ ዒዛም ማዕቴ ቶኦኮ" ያሹንጎ።

7 ዓተንቁ ያኦሲ ማሎና ሃሣ ያኦሲ ቦንቾም ማዕያ ማዕሢሮ ፔኤኮ ቶኦኮ" ካንቃንዳያ ኮይሱዋሴ፤ ላኣሊ ጋዓንቴ ዓተንቁኮ ቦንቾ ማዕያኬ።

8 ዋይቲ ጌዔቴ ላኣሊ ዓተንቁይዳፓ ማዢንቴያፓ ዓቴም ዓተንቁ ላኣሊፓ ማዢንቴባኣሢሮኬ።

9 ሃሣ ላኣሊ ዓተንቁም ማዢንቴያፓ ዓቴም ዓተንቁ ላኣሊም ማዢንቴባኣሴ።

10 ዬያ ዛሎ"ንታሮ ሃሣ ያኦሲ ኪኢታንቻኣ ዒዛ ዛጋሢሮ ጌዒ ላኣሊ ዓተንቁ ቢታንቶ ዳማ" ማዕሢ ዔርዛኒ ቶኦኮ" ፔኤኮ ያሹንታንዳያ ኮይሳኔ።

11:1 1ቆሮ. 4፥16፤ ፒልጲ. 3፥17። 11:7 ማዢ. ማፃ 1፥26-27። 11:9 ማዢ. ማፃ 2፥18-23።

11 ጎዳ ማሊያና ለአሊ ዓቲንቄ ባኣያ፣ ዓቲንቄ ለአሊ ባኣያ ማዑቀያኬ።

12 ዓይጎሮ ጌዔቲ ለአሊ ዓቲንቄይዳፓ ማዠናገቲሂጉዲ ዓቲንቄያ ለአሊዳፓ ሾይንታሂሮኬ፤ ጋዓንቲ ዓቲንቄ ማዔቲያ ለአሊ፣ ሃሃ ቢያ ባኣዚያ ጴዳሂ ምክራዳፓኬ።

13 ሂንዳ ዒንሂሮ ዋጉዋቲ፤ ለአሊ ፔኤኮ ቶኦኮ" ምሹዋ ምክራ ሺኢቁፃ ቃራዳ?

14 ዓቲንቄ ሃሃ ፔኤኮ ቶኦኮ" ዲቼቲ ጊኢጉዋያታሂ ምክራ ቢያ ባኮ ናንጎም ጌዔ ጎይፃፓ ዒንሂም ዔርቱዋዳዳ?

15 ለአሊ ጋዓንቲ ጋፓና ዒዞም ዒንጊንቲሂ ቶኦኮ" ዒዞ ምሻጎዳጉዲ ማዔሂሮ ጋፓና ፔኤኮ ዒዞ ዲቼቲ ዒዞም ቦንቸኬ።

16 ዬያ ዛሎ" ማርማኒ ኮዓ ዓሲ ዓኣቶ ኦኤኮ ማዔቲያ ሜሌ" ኪሪሰቶሴ ጉሙርቃ ዓሶኮ ዬያይዶ ዳምቤ ባኣሴ።

ጎዳ ማዳ"

(ማቲ. 26፣26-29፤ ማር. 14፣22-25፤ ሉቃ. 22፣14-20)

17 ዒንሂ ቡኪንታኣና ዒንሂ ማዳ ባካ ባባይዛ ባኣዚ" ማዓንዳፓዓቲም ዒንሂ ፓሃ ባኣዚ" ማዒባኣሂሮ ታ ዒንሂም ሃሂ ዓይሃ ዓይሂያና ዒንሂ ጋላታኒቱዋሴ።

18 ቢያፓ ቤርታ ዒንሂ ፔቱዋ ቡኪንቶ ቡካኣና ባኣካ" ዒንሂኮ ዲሙዋ ዓኣሂ ታ ዋይዜኔ፤ ታ ዋይዜ ባኮኮ ዛላ" ጎኔ ማዓንዳኔ ታ ጋዓኔ።

19 ጊዜ ማዔዞንሂ ዋንሂ ማዔቲያ ዲማዲ ዔርታንዳጉዲ ዒንሂ ባኣካ" ዲማዲፃ ማዠናገቲንዳሂ ኮይሳያኬ።

20 ዒንሂ ቡኪንታፃ ሙዋ ሙዓ ጎዳ ማዳ" ካሦቱዋሴ።

21 ዋይቲ ጌዔቲ ዒንሂ ሙዓኣና ፔቲ"ይ ባጋሂ ካፑዋፃ፣ ፔኤሮማ ሩኡሪ ሙዓኔ፤ ዬያይዲያና ፔቲ"ይ ናይዲንታዛ ባጋሂ ማሂንታኔ።

22 ዔዛታ! ዒንሂ ሙዓያናኣ ዑሽካ ማኣሪ ዒንሂኮ ባኣዳዳ? ሃንጎታቲ ዒንሂ ኪሪሰቶሴ ጉሙርቃ ዓሶ ቦሃኔ ጌይሂዳ? ሃሃ ዓይጌያ ባኣ፣ ሜታዳ ዓሶ ዒንሂ ቦርሲሳኔ ጌይሂዳ? ዓካሪ ታ ዒንሂ ዋዚ ጋዓንዳይ? ዬያ ባኮሮ ታ ዒንሂ ጋላቶንዶ? ፔቲ"ታፃ ታ ዒንሂ ጋላታዓኬ።

23 ታኣኒ ጎዳይዳፓ ዔሪ፣ ዒንሂማኣ ታ ዔርዛሂ ሃያኬ፤ ጎዳ ዬሱሴ ዓርቁንቲ ዒንጊንቲ ዋንቲሎ ካሂ ዔኪ።

24 ምክራ ሺኢቁሰካፓ ቡንፃፃ፡- «[ሃቡቲ ሙዑዋቲ፤] ሓይ ዒንሂ ዛሎ" ዒንጊንታንዳሂ፣ ታናኬ፤ ሃያና ታና ጳቂሃያ ማሁዋቲ» ጌዔኔ።

- 25 ዬያጉዲ ካሦኮ ጊንፃ ዑሽኮ ባኮ ዔኪ፡- «ሐይ ዑዣ ታኣኮ ሱጉያና ማዓ ዓኮ ጫኣቃሢኬ፤ ዒንሢ ዑሽካኣና ቢያ ሃያና ታና ጳቂሣያ ማሁዋቴ» ጌዔኔ።
- 26 ዬያሮ ሃያ ካፆ ዒንሢ ሙዓኣና ዑዣዋ ዒንሢ ዑሽካኣና ቢያ ጎዳ ሙካንዳያ ሄላ "ንዳኣና ዒዛኮ ሐይቦ" ዛሎ" ዒንሢ ኬኤዛንዳኔ።
- 27 ጾኢኒያ ዒዛም ኮይሱዋያ ጎይሢና ሐያ ካሦ ቦሢ ሙዒ፥ ዑዣዋ ዑሽኬቴ ጎዳና ሱጉያናኮ ጋሌ ዓሲ ማዓንዳኔ።
- 28 ዬያሮ ዓይጎ ዓሲያ ማፆም ዬያ ካሦ ሙዒያና ዑዣዋ ዑሽኪያናኮ ቤርታ ፔና ዛጋንዳያ ኮይሳኔ።
- 29 ዓይጎ ዓሲያ ማፆም «ጎዳኬ» ጌዒ ሙዶ ካሢ ዓይጎታቴያ ዲማሲ ዔራዋፆ ጎዳ ማሊ ጳቂሶ ካፆ ሙዒ ዑዣዋ ዑሽኬቴ ፔ ቶኦካ" ሜቶ ዔኪ ሙካኔ።
- 30 ዒንሢ ባኣካ"ፓ ሚርጌሢ ላቢ "ንቴሢ፥ ሐርጌሢ ሃሣ ሐይቂሢያ ዬያ ዛሎ"ናኬ።
- 31 ዋንዴ ኑና ኑ ዛጊ ዔሬያታቴ ያዲ ኑ ጊዳ" ፑርታና ዋጊንቲንዲዋያታንቴኬ።
- 32 ጋዓንቴ ጊንፃፓ ዓጮ"ና ዋላ" ኑ ፑርታና ዋጊንቲዋጉዲ ጎዳ ሃሢ ኑ ዔሮም ጌዒ ፑርታና ዋጋኔ።
- 33 ዬያሮ ታ ዒሾንሦ! ታ ሚሾንሦ! ጎዳ ማዶ" ሙዶ ሙዒኒ ዒንሢ ቡካኣና ዋሊ ካፑዋቴ።
- 34 ዒንሢ ቡኪንታኣና ዒንሢ ፑርታና ዋጊሳ ባኣዚ" ማዑዋጉዲ ዒንሢ ባኣካ" ናይዴ ዓሲ ዓኣቶ ፔኤኮ ማኣራ ሙዶንጎ። ዓቴ" ባኮ ዒንሢ ኮራ ታ ሙካፆ ማዶንዶ ጎይፆ ኬኤዛንዳኔ።

12

ዓያና ጌኤሺ ዒንጋ ዒንጊሢ

- 1 ታ ዒሾንሦ! ታ ሚሾንሦ! ሃሣ ዓያና ጌኤዣ ዒንጋ ዒንጊያኮ ጎኑም ዒንሢ ዔራንዳጉዲ ታ ኮዓኔ።
- 2 ቤርታ ዒንሢ ጾኦሲ ዓሲ ማዒባኣ ዋዶ"ና ጌሰታኒ ዳንዳዑዋ ካኣሽኮ ባኮ ካኣሽካንዳጉዲ ሴካ ሃንጋ ዒሺንቲ ዒንሢ ዔኪ ዓኣዲንቴሢ ዒንሢ ዔራኔ።
- 3 ጾኢኒያ ጾኦሲ ዓያናና ኬኤዛፆ፡- «ዬሱሴ ጋዳንቂንቴያኬ!» ጋዓ ዓሲ ባኣሴ፤ ዬያጉዲ ሃሣ ዓያና ጌኤሺና ማዒባኣያታፆ፡- «ዬሱሴ ጎዳኬ!» ጋዓ ዓሲ ባኣሢ ታ ዒንሢም ኬኤዛኔ።

11:25 ኬሲ. ማፆ 24፥6-8፤ ዔር. 31፥31-34።

4 ደማ ደማ ዓያና ጌኤሺ ዒንጋ ዒንገሢ ዓኣኔ፤ ዓያና ጌኤሺ ጋዓንቴ ፔቴ"ኬ።

5 ደማ ደማ ማዳ ዓኣኔ፤ ጎዳ ጋዓንቴ ፔቴ"ኬ።

6 ደማ ደማ ማዳንታ ባኣዚ" ዓኣኔ፤ ጋዓንቴ ቢያ ባኮ ቢያሢና ማዳሢ ፔቴ" ያኣዛሢ።

7 ፔቴ" ፔቴ"ሢም ዓያኖ ጌኤዠ ፔጋሲ ዳዋ ባኮ ዳዋሢ ቢያሢ ማኣዳ"ንዳጉዲ።

8 ፔቴ"ሢም ጨንጨ ጌስታንዳጉዲ ዓያኖ ጌኤዠ ዛሎ"ና ዒንገንታኔ፤ ባጋሢም ሃሣ ዬኖ ዓያኖ ዛሎ"ና ዔራቶና ጌስታንዳጉዲ ዒንገንታኔ።

9 ፔቴ"ሢም ሃሣ ዬኖ ዓያኖ ዛሎ"ና ያኣሲ ጉሙርቁሢ ዒንገሢ ዒንገንታኔ፤ ባጋሢም ገንሣ ሐርጌፓ ዓሲ ፓሥሢ ዒንገሢ ዒንገንታኔ፤

10 ዬያጉዲ ሃሣ ዓቴ"ሢም ያኣሲ ዋልቄና ማዳንታ ዓከ ባኣዚ" ማዳንዳ ዋልቄ ዒንገንታኔ፤ ባጋሢም ገንሣ ያኣሲ ማሊሢ ኬኤዚሢ ዒንገሢ ዒንገንታኔ፤ ማሌ"ሢም ሃሣ ዒንገንታ ዒንገፃ ዓያና ጌኤሺፓታቴያ ፑርታ ዓያናፓታቴያ ደማሲ ዔራንዳ ዒንገሢ ዒንገንታኔ፤ ዬያጉዲ ፔቴ"ሢም ዓከ ሙኡቶና ጌስታንዳጉዲ ዒንገሢ ዒንገንታኔ፤ ማሌ"ሢም ገንሣ ዬያ ዓኮ ሙኡጮና ጌስታንቴ ባኮ ቡላ"ንዳ ዒንገሢ ዒንገንታኔ፤

11 ዬይ ያዲ ማዔቴያ ዬያ ቢያ ማዳሢ ዬያ ፔቴ" ዓያኖ ጌኤዠ"ኬ፤ ዓያና ጌኤሺ ኮዔሢ ጎይያ ፔቴ" ፔቴ"ሢም ደማ ደማ ዒንገሢ ዒንጋኔ።

ፔቴ" ዑሢኮ ደማ ደማ ቤሲ

12 ፔቴ" ዑሢኮ ደማ ደማ ቤሲ ዓኣኔ፤ ዑዮኮ ሚርጌ ቤሲ ዓኣያታቴያ ዬይ ሚርጌ ቤዛ ዬኖ ፔቴ" ዑዮይዳኬ። ዬያጉዲ ከሪሰቶሴ ሚርጌ ቤሲ ዓኣ ፔቴ" ዑሢኮዲ።

13 ዋይቲ ጌዔቴ ዓይሁዳታቴያ ዓይሁዳ ማዒባኣ ገሪኬ ዓሳ፣ ዓይሌታቴያ ዓይሌ" ማዒባኣ ዓሳ ፔቴ" ዑሢ ማዒኒ ዓያኖ ጌኤዠና ኑ ማሰቴኔ፤ ሃሣ ቢያሢ ዬያ ፔቴ" ዓያናሢ ኑ ዑሽካንዳጉዲ ኑም ዒንገንታኔ።

14 ፔቴ" ዑሢ ማዠንቴሢ ሚርጌ ደማ ደማ ቤሲና ማዓንዳኣፓዓቴም ፔቴ" ቤሲናቱዋሴ።

15 ዬያሮ ቶኪ፡- «ታኣኒ ኩቺቱዋኣሢሮ ዑሢኮ ፔቴ" ቤሲቱዋሴ» ጌዔቴ ያዲ ጌይያና ዑሢኮ ፔቴ" ቤሲ ማዒፃ ዓታንዳ?

16 ዋይዚያ፡- «ታእኒ ዓአፕቱዋአሢሮ ዑሢኮ ፔቴ" ቤሲቱዋሴ»
ጌዔቴ ዓካሪ ዬያ ጌይያና ዑያኮ ፔቴ" ቤዞ ማዒፃ ዓታንዳ?

17 ሂንዳ ዑሢ ቢያ ዓአፕ ሌሊ ማዔቴ ዔኤቢ ዋይዛ ባአዚ" ባንካፓ ጴዳንዳያናንዳይ! ሃሃ ዑሢ ቢያ ዋይዚ ሌሊ ማዔቴ ዔኤቢ ዳሂ ዔራ ባአዚ" ባንካፓ ጴዳንዳያናንዳይ!

18 ሃሢ ጋዓንቴ ያኦሲ ኮዔሢ ጎይያ ዑያኮ ፔቴ" ፔቴ" ቤዞ ዑያይዳ ኮይሳ ቤዛ ቤዛ ማዓንዳጉዲ ጌሢኔ።

19 ዑሢ ማዢንቴሢ ፔቴ" ቤሲና ሌሊ ማዔቴ ኩሙሢ ዑሢ ጌይንታሢ ባንካፓ ጴዳንዳያናንዳይ?

20 ዓካሪ ዑሢኮ ዲማ ዲማ ቤሲ ዓአያ ማዔቴያ ዑሢ ፔቴ" ሌሊኬ።

21 ዓአፕ ኩቺ ኮራ፡- «ኔኤኒ ታአም ኮይሱዋሴ» ጋዓኒ ዳንዳዑዋሴ፤ ቶኦኪያ ቶኪ ኮራ፡- «ኔ ታአም ኮይሱዋሴ» ጋዓኒ ዳንዳዑዋሴ፤

22 ጎኔና «ፓሡዋያኬ» ጌይንታ ቤዛታዎ ሚርጌና ኑም ኮይሳያኬ።

23 «ዳካኬ» ኑ ጋዓ ኑ ዑያ ቤዞ ባሼ ኑ ቦንቻኔ፤ ሃሃ ኑና ቦርሲሳያ ማዓ ቤዞዋ ሚርጌና ኑ ሂርጌ ካፓኔ።

24 ቦንቹንታ ዑያም ጋዓንቴ ዬይ ቢያ ኮይሱዋሴ። ቦርሲሳያ ማዒ ጴዳ ቤዛ ባሼ ቦንቹንቴ ዓርቁንታንዳጉዲ ዑያኮ ፔቴ" ቤሲ ማሂ ያኦሲ ማዢኔ።

25 ዬያ ዒ ማዳሢ ፔቴ" ዑያኮ ዲማ ዲማ ቤዞ ዲማዲዋዎ ዋለም ማላንዳጉዲ ጌይኬ።

26 ዑሢኮ ፔቴ" ቤሲ ሜታዳአና ዓቴ" ዑያኮ ቤዛ ቢያ ዋላ" ሜታዳኔ፤ ሃሃ ፔቴ" ቤሲ ቦንቹንታአና ዋላ" ቢያሢ ቦንቹንታኔ።

27 ዬያጉዲ ዓካሪ ዒንሢ ከሪሰቶሴ ዑያኬ፤ ዒንሢ፥ ፔቴ" ፔቴ"ሢ ዒዛ ዑያኮ ዲማ ዲማ ቤዞኬ።

28 ዬያሮ ያኦሲ ፔቴ" ፔቴ" ዓሶ ሺኢዲያ ማአሮይዳ ዲማ ዲማ ማዳ ዓአያ ማዓንዳጉዲ ማሄኔ፤ ዬያ ጎይያና ፔቴ" ጋዓዎ ያኦሲ ማዳ"ም ዳኪንቴዞንሢ፤ ላምዓሳዎ ያኦሲ ማላሢ ኬኤዛዞንሢ፤ ሐይሣሳዎ ዔርዛዞንሢ ማሂ ዓሶ ደኦሬኔ። ዬያጉዲ ሃሃ ያኦሲ ዋልቄና ማዲንታ ዓኪ ባአዚ" ማዳዞንሢ፤ ሐርጌ ዓሶ ፖዒሳ ዒንገሢ ዓአዞንሢ፤ ዓሲ ማአዲ"ሢ ዒንገሢ ዓአዞንሢ፤ ዓሲ ዋይሥሢ ዒንገሢ ዓአዞንሢና ዓኪ ሙኡቺና ጌሰቴሢ ዒንገሢ ዓአዞንሢ ጌሢኔ።

29 ዬያሮ ቢያሢ ያኦሲ ማዳ"ም ዳኪንቴያቱዋሴ፤ ቢያሢ ሃሃ ያኦሲ ማላሢ ኬኤዛያቱዋሴ፤ ቢያሢ ዓሲ ዔርዛያቱዋሴ፤ ቢያሢ ያኦሲ ዋልቄና ማዲንታ ዓኪ ባአዚ" ማዳያቱዋሴ፤

30 ቢያሠኮ ሐርጌ ዓሲ ፓሣ ዒንጊሢ ዓኣያቱዋሴ፤ ቢያሠ ዓከ ሙኡቸና ጌሰታኒ ዳንዳዑዋሴ፤ ቢያሠ ሃሃ ዓኮ ሙኡጮና ጌሰቶናሢ ቡላ"ኒ ዳንዳዑዋሴ።

31 ጋዓንቴ ቢያሠፓ ባሼ ማዔ ዒንጊያ ዳንቃኒ ኮዑዋቱ።
ዓካሪ ታ ዒንሢ ቢያፓ ባሼ ማዔ ጎይሢ ዳዋንዳኔ።

13

ናሹሞ ዛላ

1 ዓሲ ጌሰታ ሙኡቸታቱያ ሃሃ ያኦሲ ከኢታንቻ ጌሰታ ሙኡቸያ ጌሰቲ ታ ዔሬንቴ ናሹሞ ታኣኮ ባኣያታቱ ያኦላ" ለኡሊና ሂቸናጉዲ ታ ማዔኔ ጌይሢከ።

2 ያኦሲ ማሊሢ ኬኤዚሢ ዒንጊሢ ታኣኮ ዓኣቶዋ ሃሃ ዓኣሺንቴ ባኣዚ" ቢያ ታ ዔራያ ማዔቲያ፣ ዩያጉዲ ቢያ ባኣዚ" ታ ዔሬቲያ ሃሃ ደኮ" ፔቲ" ቤሰካፓ ሺኢሻንዳ ያኦሲ ጉሙርቂሢ ታኣኮ ዓኣቲያ ናሹሞ ባኣያታቱ ዩይ ታኣኮ ጉሪከ።

3 ታኣኮ ዓኣ ባኮ ቢያ ማንቆ ዓሶም ታ ዒንጋያ ማዔቲያ፣ ታ ዑያታዎ ታሚዳ ሚጨንዳጉዲ ታ ማሃያ ማዔቲያ ናሹሞ ታኣኮ ባኣቲ ዓይጎዋ ታና ዩይ ማኣዳ"ዓከ።

4 ናሹሞ ጊቢ" ዳንዳዒሳከ፤ ሃሃ ኮሺ ባኣዚ" ማዲሻኔ፣ ቂኢሪሱዋሴ፣ ሄርሺንቴሱዋሴ፣ ያቶርሱዋሴ፤

5 ኮይሱዋያ ባኣዚ" ማዲሹዋሴ፣ ፔ ባኣዚ" ሌሊ ኮይሲሱዋሴ፣ ደጋሱዋሴ፣ ዳቦናቲያ ዳቢንቶ ዓርቂሱዋሴ።

6 ናሹሞ ዓኣ ዓሲ ጎኔ ማዔ ባኣዚ"ና ዋዛዳኣፓዓቲም ፑርታ ባኣዚ"ና ዋዛዳዋሴ፤

7 ቢያ ባኣዚ" ጊቢ" ዳንዳዒሳከ፤ ቢያ ባኣዚ"ና ያኦሲ ጉሙርቂሳከ፤ ቢያ ባኣዚ"ዳ ሃጊ ማዓንዳ ዋዛ ጌሢሳከ፤ ቢያ ባኣዚ"ያ ደዲ ዓኣሢሳከ።

8 ናሹሞ ዓኣ ዓሲ ቢያ ዋዳ ናናንጋኔ፣ ባይቁዋሴ፤ ያኦሲ ማሊሢ ኬኤዚሢ ዒንጊሢ ማዔቲያ ዳካ" ዋዳሮ ማዔሢሮ ባባይቃኔ፤ ዓከ ሙኡቸና ጌሰቲሢ ማዔቲያ ዳካ" ዋዳሮታሢሮ ዓታኔ፤ ዔራቶ ማዔቲያ ባይቃኔ።

9 ዋይቲ ጌዔቲ ኦኡኒ ዔራ ባኮ ማዔቲያ ያኦሲ ማሊያ ኬኤዛሢታቲያ ዛላ ኦ ዔሪ ኬኤዛያ ማዔሢሮከ።

10 ጋዓንቴ ጉቤ ማዔ ባካ ሙካዛ ዛላ ማዔ ባካ ዓታንዳኔ።

11 ናይ ታ ዓኣ ዎድ"ና ናይጉዲ ታ ጌስታኔ፥ ማላኔ፤ ሃሃ ቢያ ባኮ ታ ዛጋኔ። ደዲ ዓሲ ታ ማዓያ ጋዓንቴ ናኣቱሞ ማሊያ ታ ሓሼ"ኔ።

12 ሓሂ ኦኡኒ ለማሌኤሼና ዘጎሂጉዲ ለም ለም ጌዔ ባኣዚ" ዛጋኔ፤ ዬኖና ጋዓንቴ ኦ ጌኤሺ" ዛጋንዳኔ። ሃሂ ታ ዔራሂ ዔቦኮ ዘላኬ፤ ዬኖና ጋዓንቴ ጸኦሲ ታና ዔራ ጎይጾጉዴያ ኩሙሂ ዔራቶ ዓኣያ ታ ማዓንዳኔ።

13 ዓካሪ ጉሙርቂሂና ሓጊ ማዓንዳ ዎዘና ናሹሞና፥ ዬንሂ ሃይሃንሂ ሳይቁዎያ ማዒ ናንጋንዳኔ፤ ዬንሂ ባኮይዳፓ ባሼዘ ናሹሞኬ።

14

ጸኦሲ ማሊሂ ኬኤዚሂና ዓኪ ሙኡቺ ጌስቲሂና ዛላ

1 ናሹሞ ዓይሃ ጎይጾማ ማዲዎቲ፤ ሃሃ ዓያኖ ጌኤዠ ዒንጊጾ ባሼና ጸኦሲ ማሊሂ ኬኤዚሂ ሚርጌና ኮዑዎቲ።

2 ዓኪ ሙኡቺና ኬኤዚሂ ጸኦሲም ኬኤዚኔ፥ ዓሲም ኬኤዙዎሴ፤ ዎይቲ ጌዔቲ ዓኣሺንቴ ባኣዚ" ዓያና ጌኤሺ ዎልቁና ኬኤዚያ ማዔሂረ ዒ ኬኤዛ ባኮ ዔራ ዓሲ ባኣሴ።

3 ጸኦሲ ማሊሂ ኬኤዚሂ ጋዓንቴ ዓሶ ኮሻ"ኒና ዘራኒ ሃሃ ደዲሻኒ ዓሲም ኬኤዚኔ።

4 ዓኪ ሙኡቺና ጌስታሂ ፔና ሌሊ ኮሻ"ኔ፤ ጸኦሲ ማሊሂ ኬኤዚሂ ጋዓንቴ ኪሪሰቶሴ ጉሙርቃ ዓሶ ቢያ ደዲሻ ማኣኔ።

5 ዒንሂ ቢያሂ ዓኪ ሙኡቺና ጌስታቴ ቃራታንቴ፥ ባሼ ታ ናሽካሂ ጸኦሲ ማሊሂ ዒንሂ ኬኤዛቶኬ፤ ዓይጎር ጌዔቲ ኪሪሰቶሴ ጉሙርቃ ዓሳ ቢያ ደዲሻ ማዢንታንዳጉዲ ዓኮ ሙኡጮና ጌስቲንቴሂ ቡላ"ይ ባኣያ ማዔቲ ዓኪ ሙኡቺና ጌስታ ዓሲዳፓ ጸኦሲ ማሊሂ ኬኤዚሂ ባሼኬ።

6 ዓካሪ ታ ዒሻንሃ! ታ ሚሻንሃ! ታ ዒንሂ ኮራ ሙካዖ ዓኪ ሙኡቺና ጌስቲቴ ዓይጎ ዒንሂ ታ ማኣዳ"ንዳይ? ዬያይዳፓ ዒንሂ ማኣዳ"ንዳሂ ጸኦሲኮ ዓኣሺንቴ ባኮ ፔጋሲ ኬኤዜቴ፥ ዔራቶና ጌስቲቴ፥ ጸኦሲ ማሊሂ ኬኤዜቴ፤ ሃሃ ዒንሂ ዔርዘንዶ ባኣዚ" ዔርዜቴኬ።

7 ሹሉንጎና ጎኦላ"ናጉዴ፥ ሹምፓባኣ ኮጾም ማዓ ባኮኮታዖ ደማ ደማ ዎርቂንታ ዑኡሲ ባኣያ ማዔቲ ዔያታ ጸኦላ"ዛ ዓይጎ ማዔቲያ ዎዲ" ዔርታኒ ዳንዳዓይ?

8 ጾልዚም ዎርቂንታ ዛያሂ ዔርቲዎ ጎይሂ ዎርቂንቴቴ ጾልዚም ጸኦኒ ጊኢጊንታንዳይ?

9 ይያጉዲ ዲንሢ ዔርታ ሙኡቸና ኬኤዚባአቶ ዲንሢ ኬኤዛ ባኮ ያኑኒ ዔራረ ዲንዳዒንዳይ? ዠባሬይዳ፣ ጉሪ ዲንሢ ኬኤዛያ ማዓንዳኔ።

10 ዓጮ"ይዳ ቢያ ማርጌ ሙኡቸ ዓኣኔ፤ ጋዓንቴ ቢያሢኮ ፔ ጌሰታ ጎይሢ ዓኣያኬ።

11 ዓካሪ ጌሰቲንቴ ሙኡጮ ዎዚ ጋዓቴያ ታ ዔሩዎያ ማዔቴ ዬያ ዓሢም ታ ዓኪ ማዓንዳኔ፤ ዒዚያ ታኣም ዓኪ ማዓኔ።

12 ዲንሢያ ዓያኖ ጌኤዠኮ ዲንጊያ ማርጌና ኮዓሢሮ ባሼ ዲንሢ ኮዓንዳያ ኮይሳሢ ኪሪሰቶሴ ጉሙርቃ ዓሶ ደዲሺ ማዠ ዲንጊያ ዲንሢም ማርጋንዲጉዲኬ።

13 ዬያሮ ዓኪ ሙኡቸና ጌሰታ ዓሲ ጌሰቲንቴ ባኮ ቡሊ" ኬኤዛኒ ዲንዳዒሢ ዒዛኮ ዓኣያ ማዓንዳጉዲ ሺኢቆንጎ።

14 ዓኪ ሙኡቸና ታ ሺኢቃ ዎደ"ና ዓያና" ታኣኮ ሺኢቃኔ፤ ታኣኒ ጋዓንቴ ዔሬ ባኣዚ" ባኣያ ማዒ ዓታኔ።

15 ዬያሮ ታ ዎደ"ንዳያ ኮይሳይ ጌዔቴ ዓያናና ታ ሺኢቃንዳኔ፤ ሃሃ ገንሣ ታ ዒኖናኣ ሺኢቃንዳኔ፤ ዓያናናኣ ታ ያኣሲም

ዓይናዲንዳኔ፤ ታ ዒኖናኣ ያኣሲም ታ ዓይናዲንዳኔ።

16 ያዲ ማዒባኣያታቴ ኔኤኒ ዓያኖና ሌሊ ያኣሲ ጋላታኣና ኔ ጋዓ ባኮ ዔሩዎ ዓኪ ዓሲ «ዓኣሜን» ዎዲ" ጋዓንዳይ?

17 ኔኤኒ ሺኢቃ ጋላቶ ሺኢጲያ ማርጌና ቃራ ማዓኒ ዲንዳዒኔ፤ ጋዓንቴ ሜሌ" ዓሲ ዬይ ደዲሺ ማዠዎያ ማዓኔ።

18 ታኣኒ ዲንሢ ቢያሢዳፓ ባሼ ዓኪ ሙኡቸና ጌሰታሢሮ ያኣሲ ታ ጋላታኔ።

19 ጋዓንቴ ዓኪ ሙኡቸና ሜሌ" ዓሶ ዔርዛኒ ማርጌ ሺያና ፓይዲንታ ባኣዚ" ኬኤዚሢዳፓ ኪሪሰቶሴ ጉሙርቃ ዓሶ ባኣካ"

ደንጎ ባኣዚ" ዔርታ ሙኡቸና ታ ዒናፓ ማሊ ታ ኬኤዜቴ ባሼኬ።

20 ታ ዒሾንሦ! ታ ሚሾንሦ! ፑርታ ባኣዚ" ማዲሢም ናይ ማዑዋቴ፣ ዲንሢ ማላ ማሊያና ናይ ማዒፖቴ፤ ማላ ማሊያና

ጋዓንቴ ዒናዳ፣ ደዲ ዓሲ ማዑዋቴ።

21 ዬይያ:-
« ዓኪ ሙኡቸ ጌሰታ ዓሶ ዛሎ"ና

ሃሃ ሜሌ" ዓሲ ሙኡቸና ሓያ ዴሮ"ም ታ ኬኤዛንዳኔ፤ ያዲ ማዔቴያ ዔያታ ታኣሲ" ዎይዚንዲዎሴ" ጎዳ ጋዓኔ»

ጌይንቲ ያኣፒንቴኔ።

22 ዬያሮ ዓኪ ሙኡቸና ጌሰቲሢ ማላታ ማዓሢ ኪሪሰቶሴ ጉሙርቁዎ ዓሶምኬ፣ ኪሪሰቶሴ ጉሙርቃ ዓሶምቴዎሴ፤ ያኣሲ

ማለህ ከኤዚህ ጋዓንቴ ማላታ ማዓህ ኪሪሰቶሴ ጉሙርቃ ዓሶምኬ፡፡ ጉሙርቁዋ ዓሶምቱዋሴ፡፡

23 ዓካሪ ኪሪሰቶሴ ጉሙርቃ ዓሳ ቡኪንቴ ዎዶ"ና ቢያህ ዓኪ ሙኡቸና ጌሰታንቴ ዩይ ባካ ዔርቱዎያ ሃሃ ኪሪሰቶሴ ጉሙርቁዋ ዓሳ ሙኪ ዩያ ጌሰታ ዓሶ ዛጋዎ፡- «ሃይ ዓሳ ዣኣሽካኔ!» ጋኣዓዳ?

24 ጋዓንቴ ቢያህ ያኦሲ ማለህ ከኤዛያ ማዔም ዩያ ባኮ ዔሩዎያ ሃሃ ኪሪሰቶሴ ጉሙርቁዋ ዓሳ ሙኬቴ ከኤዚንታ ባኮ ቢያ ዎይዛዎ ዩያና ጫታንዳኔ፤ ዳቢንቶ ፔኤሲ"ያ ዳንቁ ዔራንዳኔ፡፡

25 ሃሃ ዒናኣ ዒዛኮ ዓኣሽንቴ ባካኣ ፔጋዳንዳኔ፤ ጊንሃ ሃሃ ዒ ባሊቶና ሳዓ ሎኦሚ፡- «ጎኔና ያኦሲ ዒንህህ ባኣካ"ኬ!» ጌዒ ያኦሲ ካኣሽካንዳኔ፡፡

ዳምቤና ያኦሲ ካኣሽካህሂ ዛላ

26 ታ ዒሾንሃ! ታ ሚሾንሃ! ዓካሪ ታ ሂዚ ጋዓኔ፡- ያኦሲ ካኣሽካኒ ዒንህህ ቡኪንታኣና ዒንህሂዳፓ ፔቴ" ፔቴ"ህኒኮ ያኦሲም ዓይናዳህ ዒንጊህ ዓኣኔ፡ ባጋህኒኮ ዔርዚህ ዒንጊህ ዓኣኔ፡ ዓቴ"ህኒኮ ሃሃ ዓኣሽንቴ ባኮ ፔጋሲ ዔርዚህ ዒንጊህ ዓኣኔ፡ ሜሌ"ህኒኮ ጊንሃ ዓኪ ሙኡቸና ጌሰታንዳ ዒንጊህ ዓኣኔ፡ ባጋህም ዩያ ዓኮ ሙኡጮና ጌሰቲንቴህ ቡላ"ንዳ ዒንጊህ ዒንጊንቴያ ዓኣኔ፡፡ ዓካሪ ዩይ ቢያ ዒንጊያ ኪሪሰቶሴ ጉሙርቃ ዓሶ ዶዲሺ ማዣያ ማዓኒ ኮይሳኔ፡፡

27 ዓኪ ሙኡቸና ጌሰታይ ዓኣቶ ላምዎ፡ ሚርጌቴ ሓይሃ ማዒ ፔቴ" ፔቴ" ከኤዘንጎ፤ ዔያታ ከኤዛህ ሜሌ" ዓሲ ቡሎ"ንጎ፡፡

28 ጌይንቴ ባኮ ቡሊ" ከኤዛ ዓሲ ባኣያታቴ ጋዓንቴ ዓኮ ሙኡጮና ጌሰታ ዓሳ፡ ዓሶ ባኣካ" ዚቲ ጌዒ፡ ጋርሲና ፔኤና ያኦሲናም ከኤዘንጎ፡፡

29 ያኦሲ ማለያ ከኤዛዘንህሂ ላምዎ ሃንጎ ሃይሃ ማዒ ከኤዘንጎ፤ ሃንጎዎታ ጋዓንቴ ከኤዚንቴ ባኮ ዎይዚ ኮሺ" ዱማሲ ዔሮንጎ፡፡

30 ዒማ"ና ቡኪንቴ ቤዛ ዴዔ ዓሶይዳፓ ፔቴ" ዓሲም ያኦሲ ከኤዜቶ ቤርታ ከኤዛህ ዚቲ ጎዮንጎ፡፡

31 ፔቴ" ፔቴ"ህ ዔራንዳጉዲና ደዳንዳጉዲ ዒንህህ ቢያህ ፔቴ" ፔቴ" ዔቁ ዔቁ ያኦሲ ኪኢቶ" ከኤዛኒ ዳንዳዓኔ፡፡

32 ያኦሲ ማለያ ከኤዛ ዓሶኮ ዓያና" ያኦሲ ማለያ ከኤዛ ዓሶም ዓዓይህንታኔ፡፡

33 ጌሰቶ ጌኤዘኮ ዣሊ ኑ ቤሲ ባይዘንዳጉዲ ያኦሲ ኮዑዋሴ፤ ጋዓንቴ ቢያ ባካ ኮሹሞና ማዓንዳጉዲ ኮዓኔ፡፡

ያኦሲ ዴሮ" ባኣካ" ቢያ ማዳንታህሂጉዲ፡-

34 ለአላ ቡኪንቴ ዓሶ ባአካ" ዚቲ ጎጆንጎ፤ ዓይጎር ጌዔቴ ሙሴ ዔርዜ ዋጋ" ዓይሣ ጎይፆ ዔይፆ ታ ዓዓይሣጎታጎዳጋ ዓቴ"ም ኬኤዛንዳጉዲ ዔይፆም ዓይሣጎቲባአሴ።

35 ዔይፆ ትቴ" ፔቴ" ባአዚ" ዔራሲ ኮዔቴ ፔኤኮ ዓሲንሣ ማአራ ደንዳጋ ጎኦጮንጎ፤ ዓይጎር ጌዔቴ ዓሶ ቡኪንቴ ቤዛ ለአላ ኬኤዛን ጊኢጉዋፆ፣ ቦርሲሳፆታሣረኮ።

36 ጎኦሲ ቃአላ" ኬሰኬሣ ሲንሣ ኮራጋዳ? ሃሣ ጎኦሲ ቃአላ" ሄሌ"ሣፆ ሲንሣም ሌሊዳ?

37 «ታአሲ ጎኦሲ ማሊሣ ኬኤዛፆኬ፤ ሃሣ ታአም ዓፆና ሲንገ ሲንገሣ ዓአኔ» ጋዓ ዓሲ ዓአቶ ሓይ ታ ሲንሣም ፆአጋሣ ጎዳ ዓይሥሣ ማዓሣ ዔሮንጎ።

38 ዔይፆ ዔራሲ ኮዐዋ ዓሲ ዓአቶ ዒዚያ ዔርቶጋ።

39 ዔይፆ ታ ሲሾንሣ! ታ ሚሾንሣ! ጎኦሲ ማሊሣ ኬኤዛን ሚርገና ኮዐዋቴ፤ ዓኪ ሙኡቺና ገሰቲፆዋ ለአገገጉቴ፤

40 ጋዓንቴ ቢያ ባካ ኮይሳ ጎይሣና ሃሣ ዳምቤና ማፆንጎ።

15

ኪሪሰቶሴኮ ሓይባጋ ዔቂፆ

1 ታ ሲሾንሣ! ታ ሚሾንሣ! ታ ሲንሣም ኬኤዜ ኮዡ ሓይሶ ቃአሎ" ሃሣ ገንሣ ታ ሲንሣም ጳቂሣኒ ኮዓኔ፤ ዔይ ኮዡ ሓይሶ ቃአላ" ሲንሣ ዋይዚ ዔኬሣና ዔያና ደዲ ሲንሣ ዔቂ ዓአሣኔ።

2 ታአሲ ሲንሣም ኬኤዜ ኮዡ ሃይሶ ቃአሎ" ደዲሺ ሲንሣ ዓርቂቴ ዔያ ኮዡ ሃይሶ ቃአሎ"ና ሲንሣ ዳቃንዳኔ፤ ያዲ ማዒባአፆታቴ ሲንሣኮ ዔይ ጉሙርቂፆ ጉሪኮ።

3 ታአሲ ዋይዚ ዔኬሣና ቢያጋ ቤርታ ኮይሳፆ ማዔ ባኮ ሲንሣም ታ ዔኪ ሄሊ"ሴኔ፤ ሲንሣም ታ ሄሊ"ሴ ባካ፡- ጌኤዡ ማፆአገገይዳ ፆአገገገቴሣ ጎይፆ ኪሪሰቶሴ ኦኡኮ ጎም ዛሎ"ሮ ሓይቂኔ፤

4 ዲኡቴኔ፤ ሃይሣሳ ኬሎ"ና ሃይባጋ ዔቂኔ ጋዓፆኮ።

5 ዔካጋ ኬጋም፣ ሄሊ"ሳፆ ታጸ ላምፆ ዳኪንቴዘንሣም፣

6 ሃሣ ገንሣ ደንጎ ጌኤታጋ ዐሣ ማዓ ሲዘኮ ገንፆ ሃንታዘንሣም ፔቴ"ና ጴዴኔ፤ ዔያቶይዳጋ ባሼሣ ሼምፔና ዓአኔ፤ ፔቴ" ፔቴ"ዘንሣ ጋዓንቴ ሃይቂኔ።

7 ዔካጋ ሃሣ ያይቆኦቤም፣ ሄሊ"ሳፆ ጎኦሲ ማደ"ም ዳኪንቴዘንሣም ቢያ ጴዴኔ፤

15:4 ዓይኔ. 16፥8-10፤ ማቴ. 12፥40፤ ዳኪ. ማደ" 2፥24-32። 15:5 ማቴ. 28፥16-17፤ ማር. 16፥14፤ ሉቃ. 24፥34-36፤ ዮሐ. 20፥19።

8 ቢያሢኮ ጋፒንያይዳ ዳውቴ ከሊ"ዳ ሾይንቴያጉዲ ማዔሢ፤ ታኣም ጴዳጅ።

9 ታኣኒ ያኦሲ ማደ"ም ዳኪንቴዘንሢዳፓ ቢያ ላኣፓ፤ ያኦሲ ማደ"ም ዳኪንቴሢ ጌይንቲ ዔኤሊ "ንታኒያ ታኣም ኮይሱዋያኬ፤ ዓይጎሮ ጌዔቴ ታኣኒ ኪሪሰቶሴ ጉሙርቃ ዓሶ ዒዲ ዳውሴያታሢሮኬ።

10 ጋዓንቴ ያኦሲኮ ኮሹማፓ ዔቄያና ታ ሃሢ ዓኣ ጎይፆ ዓኣያ ማዔኔ፤ ያኦሲ ፔ ኮሹሞና ታኣም ዒንጌ ባካ ጉሪ ዓቲባኣሴ፤ ዑሣ ዓኣዳ፤ ሃንጎዋቶይዳፓ ባሼ ዶዲ ታ ማዳጅ፤ ጋዓንቴ ዬያ ማዳሢ ያኦሲ ታኣም ኮሹሞና ዒንጌ ዒንጊፆ ማዓንዳኣፓዓቲም ታናቱዋሴ።

11 ዓካሪ ታናንታ ዔያቶንታ ኑኡኒ ከኤዛሢ ዬያኬ፤ ዒንሢያ ጉሙርቄሢ ዬያኬ።

ሓይቄ ዓሲኮ ዔቄሢ ዘላ

12 ኪሪሰቶሴ ሓይባ"ፓ ዔቄሢ ከኤዚንታያ ማዔቴ ዒንሢዳፓ ፔቴ" ፔቴ" ዓሳ፡- «ሓይቄ ዓሲ ዔቄዋሴ» ዋይቲ ጋዓይ?

13 ሓይቢዳፓ ዓሲ ዔቄዋያ ማዔቴ ኪሪሰቶሴያ ሓይባ"ፓ ዔቄባኣሴ ጌይሢዳ!

14 ኪሪሰቶሴ ሓይባ"ፓ ዔቄባኣያ ማዔቴ ኑ ከኤዛ ባኮንታ ዒንሢ ጉሙርቃ ባካኣ ጉሪኬ ጌይሢዳ!

15 ሃሢ «ያኦሲ ኪሪሰቶሴ ሓይባ"ፓ ዔቄሴኔ» ጌይ ኑ ከኤዚፆና ሉኡዙሞና ኑ ያኦሲም ማርካዳኔ ጌይሢዳ! ዓካሪ ሓይቄ ዓሳ ሓይባ"ፓ ዔቄዋያ ማዔቴ ያኦሲ ኪሪሰቶሴያ ሃይባ"ፓ ዔቄሲባኣሴ ጌይሢኬ።

16 ሓይቄ ዓሳ ሓይባ"ፓ ዔቄዋቴ፤ ኪሪሰቶሴያ ሓይባ"ፓ ዔቄባኣያኬ ጌይሢኬ።

17 ኪሪሰቶሴ ሓይባ"ፓ ዔቄባኣያ ማዔቴ ዒንሢኮ ጉሙርቄፆ ጉሪኬ ጌይሢኬ! ሃሢ ሄላ"ንዳኣና ዒንሢ ጎሜ ዋልቄኮ ዳማ"ኬ ጌይሢኬ።

18 ኪሪሰቶሴ ጉሙርቄፆ ሓይቄ ዓሳኣ ማይ ጋፔኔ ጌይሢኬ።

19 ኪሪሰቶሴይዳ ሃጊ ማዓንዳ ዋዛ ኑ ጌሢሢ ሃያ ዓጮ" ናንጎሮ ሌሊ ማዔቴ ዓሲ ቢያይዳፓ ባሼ ዓሲኮ ዋልቃ ጌላያ፤ ኑ ላኣፓ ዓሲኬ።

20 ጋዓንቴ ኪሪሰቶሴ ሃይቄ ዓሳ ዔቃንዳሢ ዔርዛያ ማዔ፤ ጎኔ ሓይባ"ፓ ዔቄጅ።

21 ሓይቢ ሙኬሢ ፔቴ" ዓሢ ዘሎ"ና ማዔሢጉዲ ሃይቢፓ ዔቄሢ ሙኬሢያ ፔቴ" ዓሲ ዘላናኬ።

15:8 ዳኪ. ማደ" 9፥3-6። 15:9 ዳኪ. ማደ" 8፥3።

22 ዓዳአሜ ዛሎ"ና ዓሲ ቢያ ሃይቃሢጉዲ፥ ዓሲ ቢያ ኪሪሰቶሴ ዛሎ"ና ሽምፔ ዴንቃንዳኔ።

23 ጋዓንቴ ፔቴ" ፔቴ"ሢሞ ዬይ ማዓንዳሢ ፔ ዎዴና ዎዴናኬ፤ ኪሪሰቶሴ ሃይቢፓ ዔቂሢኮ ቶይዳሢ ማዔኔ፤ ጊንፃፓ ዒዚ ሙካአና ዒዛሮ ማዔዞንሢሃያ ሃይባ"ፓ ዔቃንዳኔ።

24 ዬካፓ ዓካሪ ዒዚ ፑርቶ ዓያና" ዎይሣ ዎይሢፃና ቢታንቶና ሃሣ ዎልቆዎ ቢያ ባይዚ፥ ካኣቱሞዎ ፆኦሲ ዓዶም ማሄ ዎደ"ና ዓጮ"ኮ ጋፒንፆ ማዓንዳኔ።

25 ዬያሮ ፆኦሲ ዒዛኮ ሞርኮ ቢያ ዒዛ ባሺሳንዳያ ሄላ"ንዳአና ዒ ካኣታዳኒ ኮይሳኔ።

26 ጋፒንፆይዳ ባሺንታንዳ፥ ሞርካሢ ሓይቢኬ፤

27 ዓይጎሮ ጌዔቴ፦ «ፆኦሲ ቢያ ባኣዚ" ዒ ባሺ ዎይሣንዳጉዲ ማሄኔ» ጌይንቴ ፃኣፒንቴሢሮኬ። ጋዓንቴ፦ «ቢያ ባኣዚ" ዒ ባሺ፥ ዎይሣንዳጉዲ ማሄኔ» ጋዓዛ፥ ቢያ ባኣዚ" ዒ ባሺ ዎይሣንዳጉዲ ዒዛ ዴማ" ማሄ፥ ፆኦሲ፥ ዓዳሢያ ዒ ዎይሣንዳኔ ጌይሢቴዎሴ።

28 ቢያ ባካ ኪሪሰቶሴ ቢታንቶ ዴማ" ማዔሢኮ ጊንፃ ፆኦሲ፥ ዓዳሢ ቢያ ባኮ ዎይሣንዳጉዲ ናዓሢ ፔኤሮ ቢያ ባኮ ዒዛ ቢታንቶ ዴማ" ማሄ ፆኦሲ፥ ዓዳሢ ቢታንቶ ዴማ" ማዓንዳኔ።

29 ዓካሪ ሓይቄ ዓሳ ዔቁዎያ ማዔቴ ዓሳ ሃይቄ ዓሳ ዛሎ" ዎኣፆ ማሰታሢ ዓይጎ ማኣዳ"ንዳይ? ሓይቄ ዓሳ ማሊ ዔቁዎያ ማዔቴ ዓሳ ዔቆቶ ዛሎ" ጌዒ ዓይጋ ማሰታይ?

30 ኦኡኒ ቢያ ዎዴ ሜታዲ ናንጋሢ ዓይጌንዴሮዳይ?

31 ታ ዒሸንሦ! ታ ሚሸንሦ! ቢያ ኬሊ" ታ ሓይቄፆ ዓቲ ዓቲ ናንጋኔ፥ ዬይ ጎኔኬ፤ ዬያጉዲ ኦ ጎዳሢ ዬሱሰ ኪሪሰቶሴና ዒንሢኮ ባኣ ፔቴማኣ ጎኔኬ፤ ዬያ ታ ጮርቁ ጋዓኔ።

32 ታኣኒ ዔፕሶኔይዳ ቦፆጉዴ ዓሶና ፆልቴሢ ዓሲ ማሊሢሮ ሌሊ ማዔቴ ዓይጎ ታ ዴንቃንዳይ? ሓይቄ ዓሳ ዔቁዎያ ማዔቴ፦

«ዚሮ ኦ ሓይቃንዳሢሮ

ኦ ሙፆም፥ ዑሽኮም» ጋዓ ዓሶጉዲ ኦ ማዒባይ!

33 ዳቢንቴፖቴ፤ «ፑርታ ላጌ ዓሲ ፑፑርቴሳኔ።»

34 ፒዜ ማሊሢ ማሉዎቴ፤ ጎሜ ማዲፖቴ፤ ዒንሢ ባኣካ" ፆኦሲ ዔሩሞ፥ ፔቴ" ፔቴ" ዓሲ ዓኣኔ፤ ዬያ ታ ጋዓሢ ቦርሶ ዒንሢሞ ማፆንጎ ጌይኬ።

ሓይባ"ፓ ዔቃ ዑፆ

35 «ሐይቄ ዓሲ ወይቲ ዔቃይ? ሓይባ"ፓ ዔያታ ወዚጉዳ ዑሢና ዔቃይ?» ጌራ ያእጫ ዓሲ ናንዳኔ።

36 ዬይ ዓይጎ ዔኤዩሞዳይ! ኔኤኒ ዜርቃ ዜርፃ ሳይይዳ ወዒባኣቲ ባቃላኒ ዳንዳዑዋሴ፤

37 ኔኤኒ ዜርቃኣና ዛርጌታቲያ ሜሌ" ሜይኮ ዓኣፖማ ኔ ሌሊ ዜርቃኣፓዓቲሞ ባቃሊ ኬሰካ ባኮ ቢያቱዋሴ።

38 ያኦሲ ጋዓንቴ ዜርፃሎሞ ኮዔሢጉዳያ ዑሢ ዒንጋኔ፤ ፔቲ" ፔቲ" ዜርፆሞ ቢያ ዲማ ዲማ ዑሢ ዒንጋኔ።

39 ዓሽኪ ቢያ ዋሊ ማላያቱዋሴ፤ ዓሲ ዓሽኪ ዋሊ ማላያኬ፤ ቆልሞ ዓሽኪ፣ ካፒ ዓሽኪ፣ ሞሎ ዓሽኪ ዲማ ዲማኬ።

40 ዬያጉዲ ጫሪንቲዳ ዓኣ ማዢንቲ ዓኣኔ፤ ሳይይዳ ዓኣ ማዢንቲ ዓኣኔ፤ ጋዓንቴ ጫሪንጫ ዓኣ ማዢንቲ ቦንቻ ዋሊ ማላያኬ፤ ሳይይዳ ዓኣ ማዢንቲ ቦንቻ ዲማኬ።

41 ዓቢ ማላ ፔቲ"ኬ፤ ዓጊኒ ማላ ዲማኬ፤ ሃሣ ዡኣጋሢኮዋ ማላሢ ዲማ ዲማኬ፤ ወይቲ ጌዔቴ ፔቲ" ዡኣጊኮ ማላሢ ሜሌ" ዡኣጊይዳፓ ዲማታሢሮኬ።

42 ሓይቢፓ ዔቃ ዓሳ ያዲ ማዓንዳኔ፤ ሃይቄ ዋዓ ዑሢ ማኣዒ ዲኡቲሢ ዋዑዋና ናንጊና ናንጋ ዑሢ ማኣዒ ዔቃንዳኔ፤

43 ሚዛጶዋ ማዒ ዲኡቲሢ ሚዛጶ ዔቃንዳኔ፤ ለቤ"ያ ማዒ ዲኡቲሢ ዋልቄና ዓኣያ ማዒ ዔቃንዳኔ፤

44 ዓሲ ዑሢና ዓኣያ ማዒ ዲኡቲሢ ዓያና ዑሢ ዓኣያ ማዒ ዔቃንዳኔ። ዓሲ ዑሢ ዓኣያ ማዒ ዓያና ዑሢ ዓኣኔ ጌይሢኬ።

45 ዬያሮ፡- «ቤርታሳ ዓሢ፣ ዓዳኣሜ ሼሞፖና ዓኣ ዓሲ ማዒ።» ጌይንቲ ፃኣፒንቲኔ፤ ጊንፃኣ ዓዳኣሜ፣ ኪሪሰቶሴ ጋዓንቴ ሼሞፖ ዒንጋ ዓያና ማዒ።

46 ጋዓንቴ ቤርታ ሙኬሢ ዓሶ ዑፃና ዓኣሢ ማዓንዳኣፓዓቲሞ ዓያኖሲቱዋሴ፤ ዓያኖሲ ሙኬሢ ዓሶ ዑፃና ዓኣሢኮ ጊንፃፓኬ።

47 ቤርታኣ ዓሢ፣ ዓዳኣሜ ዓጪዳፓ ማዢንቲ ሓያ ዓጮ" ዓሲኬ፤ ላሞዓሳ ዓሢ ሙኬሢ ጫሪንጫፓኬ።

48 ሓያ ሳይሮ ማዒ ዓሳ ማዢንቲሢ ጉዲኬ፤ ጫሪንጮሮ ማዒ ዓሳ ጫሪንጮሲ ማላያኬ።

49 ኦኡኮ ዑፃ ሳይ ዓሢሲ ማላሢጉዲ፣ ጫሪንጮ ዓሢሲያኣ ማላንዳኔ።

50 ታ ዒሾንሦ! ታ ሚሾንሦ! ታ ዒንሢሞ ኬኤዘሞ፤ ዓሲ ዓኣ ሳይያ ዓኣያ ያኦሲ ካኣቱሞይዳ ጌላኒ ዳንዳዑዋሴ፤ ዬያጉዲ ባይቃ ዑፃ ባይቁዋ ዑፃ ዳካላዓኬ።

51 ዓካሪ ፔቴ" ዓኣሺንቴ ባኣዚ" ታ ዒንሢሞ ከኤዘም፤ ኑኡኒ ቢያሢ ሓይቃዓኬ፤ ጋዓንቴ ቢያሢ ኑ ላኣሚንታንዳኔ፤

52 ኑኡኒ ላኣሚንታንዳሢ ጋፒንሢ ዛያ ዋርቂንታዛ ዓኣፒ ጊኢ ጳማጉዲ ዔርቲባኣንቴኬ፤ ዛያ ዋርቂንታንዳኔ፤ ዩማና ሓይቂ ዓሳ ባይቁዋያ፣ ናንጊና ናንጋያ ማዒ ዔቃንዳኔ፤ ኑኡኒ ጌይ፡- ሓይቂባኣያ ዓኣ ዓሳ ላኣሚንታንዳኔ፡፡

53 ዓይጎር ጌዔቴ ሃይ፣ ባይቃ ዑፃ ባይቁዋ ዑሢና ሓይቃ ዑፃ ሓይቁዋ ዑሢና ላኣሚንታንዳያ ከይሳኔ፡፡

54 ባይቃ ዑፃ ባይቁዋኣሢ፣ ሃይ፣ ሓይቃ ዑፃ ሓይቁዋኣሢ ማኣዓ ዋዶ"ና «ሓይቢ ባሺንቴ!» ጌይንቴሢ ኩማንዳኔ፡፡

55 ዩያጉዲ፡-

«ሓይቢዮ! ኔ ባሻሢ ዋካዳይ?

ዓሶ ኔ ጫርጋ ዋልቃ ኔኤኮ ዓንካይዳ?»

ጌይንቴ ፃኣፒንቴ፡፡

56 ሓይቢኮ ዓሲ ጫርጎ ዋልቃ ጎሜኬ፤ ጎሜኮ ዋልቃ ሃሣ ዋጌኬ፡፡

57 ጋዓንቴ ኑ ጎዳሢ ዩሱሰ ኪሪሰቶሴ ዛሎ"ና ባሺሢ ኑም ዒንጋ ፆኣዛሢም ጋላታ ሄሎንጎ፡፡

58 ዩያር ታ ዒንሢ ናሽካ፣ ታ ዒሾንሦ! ታ ሚሾንሦ! ዶዲ ዔቁዋቴ፤ ዓይጎ ባኣዚ"ናኣ ሴካ ሃንጋ ጌዒ ዓጊፃፖቴ፤ ጎዳ ማዶ" ማዶኒ ዒንሢ ላቢ "ንታሢ ጉሪ ማዒባኣሢ ዔሪ፣ ቢያ ዋዶ ጎዳ ማዶ" ዶዲ ማዶዋቴ፡፡

16

ዩሩሳላሜይዳ ዓኣ ኪሪሰቶሴ ጉሙርቃ ዓሶም ኬሶ"ና ሚኢሾ

1 ኪሪሰቶሴ ጉሙርቃ ዓሶም ኬሶ"ንታ ሚኢሾ ዛሎ"ኮ ጋላቲያ ዓጫ" ዓኣ፣ ኪሪሰቶሴ ጉሙርቃ ዓሶም ታ ዓይሢ ጎይፆ፣ ዒንሢያ ያዲ ማዶዋቴ፡፡

2 ታኣኒ ሙኩም ዒንሢ ሚኢሾ ኬሶ"ዋጉዲ፤ ቃልሾ ኬሎ" ጋሪ ቢያ ወዴ ወዴ ፔቴ" ፔቴ"ሢ ሚኢሾ ዴንቃ ጎይፆ ሚኢሾፓ ፔኤኮ ዲማሲ ኬሶ" ኬሶ" ጌሦንጎ፡፡

3 ታኣኒ ዒንሢ ከይላ" ሙካፆ ዒንሢ ዶኦራንዳ ዓሳ፣ ሚኢሾ ዩሩሳላሜ ዔኪ ዓኣዳንዳጉዲ ዋርቃታ ፃኣፒ ዔያቶና ዳካንዳኔ፡፡

4 ታ ዓኣዳንዳያ ከይሳያ ማዔቴ ታኣና ዋላ" ዔያታ ዓኣዳንዳኔ፡፡

ጳውሎሴ ማሌ ማሊያ

15:52 1ቴሰ. 4፣15-17፡፡ 15:54 ዒሲ. 25፣8፡፡ 15:55 ሆሴ. 13፣14፡፡
16:1 ሮማ 15፣25-26፡፡

5 መቄዶኒያ ጊዳና ጌዒ ዓኣዲኒ ታ መሌሠረ ዒኢና ዓኣዲያ
ዒንሢ ኮይላ" ታ ሙካንዳኔ።

6 ታኣኒ ዴንዳ ቤዘ ቢያኮ ጎይፆም መዓ መኣዶ ዒንሢ ታኣም
መዳንዳጉዲ ጎፆንቲ ታ ዒንሢ ኮራ ዳዒ፣ ባርጎዋ ታ ዒኢካ
ዓኣሣንዳያ ናንዳኔ፤

7 ሐሢ ዴንዶ ዴንዳፆ ታ ዒንሢ ዳካ"ና ዛጋኒቲዋንቲ ጎዳ ጌዔቲ
ዳካ" ፆደሲ ዋዴ ታ ዒንሢና ዴዓንዳኔ ጌዒ ሃጊ መዓንዳ ዋዛ ታ
ጌሣኔ።

8 ጋዓንቲ ጴንፆቆስፆ ጌይንታ ቦንቾ ኬሎ" ሄላ"ንዳኣና
ዔፕሶኔይዳ ታ ዴዓንዳኔ።

9 ዓይጎር ጌዔቲ ሚርጌ መዳኮ ካራ ታኣም ቡሊ"ንቲ፤ ታና ዒዲ
መካ ዓሳ ጋዓንቲ ሚርጌኬ።

10 ዓምቲዎሴ ዒንሢ ኮይላ" ሙኬቲ ሂርጋ ባኣያ ዒንሢ ኮይላ"
ዒ ዴዓንዳጉዲ ዒዛ መኣዶ"ዋቲ፤ ዓይጎር ጌዔቲ ዒዚ ታጉዲ ጎዳ
ዩሱሴ ዓይሣ መዳ" መዳያታሢርኬ።

11 ዩዶር ፆኣኒያ ዒዛ ቦሁዋጉዲ፤ ዒዚ ዒሾንሢና ዋላ" ታ ኮራ
መዒ ሙካንዳኔ ጌዒ ታ ካፓያታሢር፣ ታ ኮይላ" ዒ ኮሺና
ሙካንዳጉዲ ጎይፆኮ ዒዛም ኮይሳ ባኣዚ" መኣዲ"ሢና ዋዛሲ
ዳኩዋቲ።

12 ኑ ዓሻሢ ዓጲሎሴ፣ ሜሌ" ዒሾንሢና ዋላ" ዒንሢ ኮይላ"
ዓኣዳንዳጉዲ ሚርጌና ታ ሺኣቄንቲ ዒዚ ሃሢ ዒንሢ ኮይላ"
ሙካኒ ዳንዳዒባኣሴ፤ ዒዛም ጊኣጌ ዋዴና ጋዓንቲ ዒንሢ ኮይላ"
ዒ ሙካንዳኔ።

ጋፒንሢ ዘርና ሳራሥሢና

13 ጴጤዋቲ፤ ጉቤ ዒናፓ ኪሪሰቶሴ ጉሙርቁዋቲ፤ ዶዶዋቲ፤

14 ዒንሢ መዳ ባኮ ቢያ ናሹዋና መዳዎቲ።

15 ታ ዒሾንሢ! ታ ሚሾንሢ! ዒሰዲፓኖሴ መኣር ዓሳ
ዓካይያይዳ ቤርታሲ ኪሪሰቶሴ ጉሙርቆ ዓሲ መዔሢና ፆኣሲ ዓሰ
መኣዳ"ኒ ዒናፓ ናሽካያ መዔሢ ዒንሢ ዔራኔ።

16 ዩያቶጉዴ ዓሶና ዔያቶና ዋላ" መዳ መዳ ላባዘ"ንሢም ቢያ
ዒንሢ ዓይሢንታንዳጉዲ ታ ኬኤዛኔ።

17 ዒሰዲፓኖሴንታ ፔርዶናፆሴንታ ዓካይቆሴንታ ታ ኮራ
ሙኬሢር ታ ኮሺ" ዋዛዳኔ፤ ዓይጎር ጌዔቲ ዒንሢ ታ ኮይላ" ባኣያ
መዒፆና ታኣም ፓጤፍ ባኮ ዔያታ ኩንሣኔ።

16:5 ዳኪ. ማዶ" 19:21። 16:8 ለዊ. ዓኬ 23:15-21፤ ላሚ. ዋም 16:9-11።
16:9 ዳኪ. ማዶ" 19:8-10። 16:10 1ቆሮ. 4:17። 16:15 1ቆሮ. 1:16።

18 ዴያታ ታናንታ ዲንሢንታኮ ዲኖ ሃውሺሴ። ዴያሮ ዴኖጉዳ ዓሳ ጋዓ ባኮ ዋይዙዋቲ።

19 ዲሲያ ዓጮ"ይዳ ዓኣ፡ ኪሪሰቶሴ ጉሙርቃ ዓሳ ዲንሢ «ኮሺዳ?» ጋዓ፤ ሃሣ ዓቂላና ጲሪሰቂላና ዴያጉዲ ዴያቶ ማኣራ ቡኪንታ፡ ኪሪሰቶሴ ጉሙርቃ ዓሳ ቢያ ጎዳ ዴሱሴ ሱንጾና ሚርገና ዲንሢ «ኮሺዳ?» ጌዔ።

20 ሓይካ ዓኣ፡ ኪሪሰቶሴ ጉሙርቃ ዓሳኣ ቢያ ዲንሢ «ኮሺዳ?» ጋዓ፤ ዋሊኮ ጌርሲንሢጉዲ፡ ናሹሞና ሄርቂ ሄርቂ ዋሊ ዴኤሉ"ዋቲ።

21 ታኣኒ፡ ጳውሎሴ ሓያ ሳራሢያ ኪኢቶ" ዲንሢሞ ታ ኩቻ ፃኣፔያኬ።

22 ጎዳ ናሽኩዋ ዓሲ ዓኣቶ ጋዳንቂንቴያ ማጎንጎ፤ ኑ ጎዳሢዮ፡ ሙኬ!*

23 ጎዳ ዴሱሴኮ ኮሹማ ዲንሢና ዋላ" ማጎንጎ።

24 ዴሱሰ ኪሪሰቶሴ ሱንጾና ዲንሢ ቢያሢ ታ ናሽካ።

16:19 ዳኪ. ማደ" 18፡2። * 16:22 ጎዳሢዮ ሙኬ!/- ጋዓዛ ዓራማይኬ ሙኢቺና «ማኣራናታ!» ጌይንታ።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 22 May 2026 from source files dated 13 May 2025

48f5fdf1-90d6-5bff-b666-a2b8b5d20de1